

MALAKA

Pâri ara ñana Yesu Kirisi kâ

Malaka ñngere

Nine nde pâri ara ñana Yesu Kirisi kâ Malaka ñngere, i ña tonje tu Yoane Malaka (Pâri Tamâta 12:12). Malaka ñandai Yesu ne pâri tamâta ñga, andeta ilo-kalo tamâta pinde situ i imo taitu kuku Petero lâ Jerusalem lawea ku ilonjo ñgua rârâ ñana Yesu ne vetâña wa mâsi wa (1 Petero 5:13). Aku zo pinde Malaka iyoka kuku Paulo ku Banabas rua itula pâri ara panzi tamâta lâ nia pinde (Pâri Tamâta 13:13, 15:38-40). Malaka itula pwataki tu Maro Kindeni isupwa Yesu imâ ñana iveta wurâta papa i, aku ñngere ñgua rârâ ñana mâsi kaika Yesu muña iveta lâ tâno kulu.

Yoane Lâ-Liliña Tamwata itula ñgua

Matai 3:1-12, Luka 3:1-20, Yoane 1:6-8,15-37

¹ Nine nde pâri ara ñana Maro Kindeni natu Yesu Kirisi kâ.

² Muñgani, ñgua-tulâña tamâta Aisaia ikai ñgua muña Maro Kindeni iporo pa Kirisi, ku ñngere lâ pepa tini mine tu,

“Kulonjo ñga; naña ma asupwa nanenju kuleña tamâta tonje ikai naña kawâñgu ñgua imuña pano. I ma iveta noko nzalani sondo.” ³ “Lâ nia bilimu, sarawâña tonje iyoka lâ tamâta tonje kawa imâ mine tu, ‘Kaveta nzâla sondo ñana Maro Nalae ma imâ kâ’.”

⁴ Mine kala Yoane Lââ-Liliņa Tamwata ipânga nia bilimu, aku itula ŋgua panzi tamâta tu ma sipalele ilonzi kalonzi ku silili pâri ara ne lââ, aku Maro Kindeni ma izavaru nenzi kiesaka piti lâ tininzi. ⁵ Aku kinzi tamâta ŋgu ŋalae nde soka pa Judia tâno wa Jerusalem lawea wa simâ pa Yoane. Kinzi sipatula nenzi kiesaka papa, kala Yoane ililinsi lâ Jodan Lââ. ⁶ Yoane nde uru isawa pasawaņa munğa sisuta lâ ŋgoa “kamel” karae, ku ipu ŋgoa karae lâ kambwaņe. Aku i uru ika ndemu-ndemu tava sipa sinji itogo kâ kaniņa mwasina. ⁷ Aku i uru itula ŋgua mine tu, “Tamâta tonje iyoka naņa mulingu mwanğa imâ, aku i ne walo nde ipole nanenğu walo. Naņa nde tamâta kaa nâ; mine kala naņa akura tu atundu lâ i kie tini ku ayaute i kie kâmba ne wâlo piti, ande tia. ⁸ Naņa alili miki lâ lââ nâ, aņga i nde ma ililimi lâ Koroani Sapâņa.”

Yoane ilili Yesu

Matai 3:13-17, Luka 3:21-22

⁹ Pa zo ŋinde, Yesu ipile Nasarete lawea lâ Galilaya tâno ku iyoka imâ pa Yoane, aku Yoane ilili i lâ Jodan Lââ. ¹⁰ Yesu ipile lââ ku ikâki imâ pa pânğa pwali, ŋinenğa mata kâki imora samba ipwa pwataki ku Koroani Sapâņa itogo bâlu mine indue imâ papa. ¹¹ Aku sarawâņa tonje iyoka pa samba imâ mine tu, “Naņa natunğu ara kala noko. Naņa ilonğu ndo keno pano wa ilonğu ndeka pano wa.”

Sadana ikai samâņa pa Yesu

Matai 4:1-11, Luka 4:1-13

¹² Aku lâ zoni ndaina Koroani Sapâña ikai Yesu io i lâ nia bilimu tonje. ¹³ Aku imo nia bilimu ñinde ikura kari tamâta rua lâ, aku pa zo ñinde Sadana imâ tu ikai samâña papa. Yesu nde imo nia ñinde kunzi ñgoa ñgoi, ku kinzi anjelo sikatona i.

*Yesu iveta ne wurâta munja lâ Galilaya tâno
Matai 4:12-17, Luka 4:14*

¹⁴ Kinzi kazâña tamâta sio Yoane Lââ-Liliña Tamwata imo luma sakamao ilo lâ, aku pa zoni ndaina Yesu iyoka ilâ pa Galilaya tâno, ku itula Maro Kindeni ne pâri ara panzi. ¹⁵ Aku iporo tu, “Zo ñga ipânga lâ. Maro Kindeni ne zo ñana ikai maro panzi tamâta kê ñga imâ ipânga laiti lâ. Mine nde miki kapalele ilomi kalomi ku kalomi tawana pâri ara.”

*Yesu isarawanzi tamâta ñapa tu sipono muli
papa i*

Matai 4:18-22, Luka 5:1-11

¹⁶ Yesu imo tâno ñinde ku iyoka Galilaya lââ bwalika pwali, ande mata ilâ imoranzi Saimon ku tai Andaria rua. Kinzi rua sitambira viâña lâ lââ bwalika ilo, ñana tu rua uru sikai iña ñana nenzi mbaliña kê. ¹⁷ Aku Yesu ipainzi rua mine tu, “Miki rua kamâ kapono muli pa naña, aku ma apananami ñana kakainzi tamâta kê.” ¹⁸ Aku walele nâ kinzi rua sipile nenzi viâña ku soka i muli silâ.

¹⁹ Aku Yesu iyoka ilâ, ñinenña imora Yamesi, i Sebedi natu, tava tai Yoane. Kinzi rua kala sisajona wânga kulu siveta nenzi viâña sondo.

²⁰ Aku Yesu walele nâ isarawanzi rua, kala sipile

tamanzi Sebedi imo wânnga kulu tavanzi ne wurâta tamâta, aku kinzi rua soka Yesu muli silâ.

Yesu isoki koroani saka piti lâ tamâta tonje ilo

Luka 4:31-37

²¹ Yesu ikainzi ne pâri-tamâta ku soka silâ sipânnga Kaperneam lawea, ninennga Juda nenzi pwareânge ne zo sapânge ipânge lâ. Mine kala Yesu ilâ ipanananzi tamâta lâ luma nana pasauja kâ ilo. ²² Kinzi silonjo i ne ngua ku wisinzi motutu lâ, nana tu i nandai ipanananzi itogo kinzi pananânge tamâta nana ngua tukuja kâ uru siveta mine nge; ipanananzi itogo i tamwata ikai Maro Kindeni ndamwa kala iporo. ²³ Lâ zoni ndaina tamâta tonje imo luma nana pasauja kâ ilo kunzi, i mujga koroani saka ipagagara lâ. Aku isarâwa mine tu, ²⁴ “Yesu Nasarete tamwata, noko kumâ njine tu kuveta mana pa maka, a? Tiambo noko kumâ njine tu kuzavaruma, tiya? Naŋa asama noko kilala tu noko nde Maro Kindeni ne Tamâta Sapânge.”

²⁵ Andeta Yesu imbita ku ipai tu, “Noko kawa buu nâ, ku kupile tamâta njine pwâwa kulâ!”

²⁶ Ninennga koroani saka irurua tamâta njinde tini, aku itara kawa kâki njalae tina njinde, ku ipile i ilâ.

²⁷ Aku kinzi tamâta rârâni nde wisinzi motutu, ku sipakasonja warakanzi tu, “Njine nde vetânge mana. Njine nde ngua wasaseki ndo! Opopo, tamâta njine nde tamâta kaika, kala imbitanzi koroani saka ku sipono muli pa i kawa ngua!”

28 Mine kala Yesu parina ilâ walele nâ isala Galilaya tâno ndoni.

*Yesu iveta Petero ana taine tini ara kilo
Matai 8:14-15, Luka 4:38-39*

29 Kinzi sipile luma nana pasauja kâ ku siyâti silâ pa nia yo, aku silâ Saimon ku tai Andaria rua nenzi luma ilo. Anja Yamesi ku Yoane rua kala soka kunzi silâ. 30 Andeta Saimon ana taine ikeno ne kenonja nia, ikai pukonja ndamwa nâna. Aku walele nâ kinzi sitapâri papa Yesu nana i kâ. 31 Ninenja Yesu ilâ pa taine ninde, ikai i mbau ku igagati imandi sânda. Aku pukonja ipile taine ninde, kala i tini ara kilo, kala ilâ isu kâpwa panzi.

*Yesu ivetanzi pukonja tamâta rârâ tininzi mbalaunzi ara kilo
Matai 8:16-17, Luka 4:40-44*

32 Simo lee ku lala, kari indue kudu lâ, ninenja kinzi tamâta sikainzi pukonja tamâta simâ pa Yesu, sitavanzi tamâta pinde koroani saka sipagaranzi lâ. 33 Aku tamâta rârâni simo lawea ninde nde sipasau lâ luma ninde ne nzâla kawa tini marumbu lâ. 34 Kinzi tamâta ninde nde sikai pukonja kie-kie, andeta Yesu ivetanzi tininzi mbalaunzi ara kilo, ku isokinzi koroani saka rârâ piti lâ ilonzi wa. Andeta kinzi koroani saka sisama i kilala, kala itu kaika panzi tu ma kawanzi buu nâ.

Yesu iyoka Galilaya tâno itula ngua panzi

35 Lâ mboyo nana yo, ande Yesu imandi iyâti pa nia yo ku ilâ nia njanje tonje, aku ino pa

Maro Kindeni imo ñinde. ³⁶ Anğa Saimon tavanzi ninambwe nde siroto ñana i simâ. ³⁷ Kinzi siroto lee sisânda kulu lâ, ñineŋga sipai tu, “Wa, kinzi tamâta rârâni nde siroto ñanano.”

³⁸ Andeta Yesu iporo taulo panzi tu, “Kinda ma tamo lawea ñine nâ tia. Ayo, toka talâ pa lawea pinde keno laiti ñai, ñana tu naña atu atula Maro Kindeni kawa ñgua pa kinzi wa. Naña amâ ñana aveta mine kâ.” ³⁹ Aku iyoka ikura Galilaya tâno ndoni itula ñgua panzi lâ nenzi luma ñana pasauña kâ ndoni ilo, ku isokinzi koroani saka piti lâ tamâta ilonzi tava.

Yesu iveta tamâta tonje tini saga-saga ipânga mbâra-mbâra kilo

Matai 8:2-4, Luka 5:12-14

⁴⁰ Aku tamâta tonje tini saga-saga nde imâ pa Yesu ku ita papa. Tamâta ñinde ipare tuku itundu lâ Yesu kie tini ku iporo tu, “Ambo noko ilo tu kuveta mine, ande noko pwura ñana kuveta naña tiningu ipânga mbâra-mbâra.”

⁴¹ Aku Yesu kalo sukâña ñana kala isuña mbau ilâ itaño tamâta ñinde tini ku ipai tu, “Naña ilonğu tu aveta mine; kala ñine nâ noko kupânga mbâra-mbâra!” ⁴² Aku ndainani nâ pukonja saga-saga ñinde marumbu lâ, kala ipânga tini mbâra-mbâra lâ.

⁴³ Ñineŋga Yesu itu ñgua kaika papa, ku walele nâ io i ilâ. ⁴⁴ Aku Yesu ipai tu, “Noko kulonjo sondo nga; noko ma kutapâri pa tamâta tonje ñana vetâña kala ipânga pano ñine ndimo. Kulâ kupatula tini pa patarawâña tamâta, aku kuveta patarawâña

ņana tini mbâra-mbâra kâ, ikura Mose ne ņgua tukuņa itula mine. Ambo noko ma kuveta mine, ande kinzi tamâta ma sisama tu noko ne pukoņa nde marumbu lâ.” ⁴⁵ Andeta tamâta ņinde ilâ ku itula vetâņa rârâni ņinde pwataki, kala tapârîņa ņinde nde ilâ ikura nia pinde lâ. Mine kala Yesu ikura tu ilâ ipâņga tamâta naonzi lâ lawea tonje ilo, ande tia. I imo nia ņgaņe nâ, andeta kinzi tamâta sipile nenzi lawea rârâni ku simâ papa i.

2

Yesu iveta tamâta tonje kie-mbalau sakamao ipâņga ara kilo

Matai 9:1-8, Luka 5:17-26

¹ Zo pinde ilâ lâ, ņinenņa Yesu ilâ pa Kaperneam lawea kilo. Aku kinzi tamâta siloņo ņgua tu i imo luma ilo. ² Mine kala tamâta rârâ sipasau lâ luma ņinde, kala nia maa tonje ikeno lâ nzâla kawa, ande tia. Aku Yesu imo itula Maro Kindeni ne ņgua panzi. ³ ņinenņa tamâta pinde sikai pukoņa tamâta tonje simâ papa. Tamâta ņinde kie-mbalau ndoni imâte lâ. Aku tamâta ņapa sindawe pukoņa tamâta ņinde sikai simâ. ⁴ Andeta kinzi tamâta nde sipasâe ndo lâ, kala sikura tu sikai pukoņa tamâta ņinde simâ Yesu tini laiti, ande tia. Tia ku sikai sikâki luma Yesu imo ņinde kulu, ku sitikia luma ne mende tonje piti. Sitikia mende tonje piti lâ, ņinenņa siti u pukoņa tamâta ikeno rombe-rombe kulu ņinde indue Yesu nao. ⁵ Aku Yesu isama kinzi tamâta ņinde kilalanzi pwataki tu nenzi kalo-tawana ikeno pa i. Mine kala ipai pukoņa tamâta ņinde

tu, “Natungu, naŋa azavaru noko ne kiesaka piti lâ tini.”

⁶ Anŋa kinzi pananâŋa tamâta ŋana ŋgua tukunŋa kâ pinde nde simo ŋinde, ku ilonzi kalonzi iporo mine tu, ⁷ “Wa, ŋana sâ kâ ŋga tamâta ŋine iporo mine, a? Itu ikai Maro Kindeni nia kala iporo ŋgua ara tia ndo lâ Maro Kindeni nao! Noko tamâta tonje pwura ŋana kuzavaru kiesaka piti lâ tamâta tininzi tia ndo! Maro Kindeni simbo nâ ikura tu iveta mine.”

⁸ Yesu ipasama lâ tamwata ilo kalo tu nenzi ilo-kalo mine nde keno panzi. Mine kala walele nâ ipainzi tu, “Ŋana sâ kâ ŋga miki nemi ilo-kalo mine keno pami, a? ⁹ Mao nâ, naŋa akura tu apai pukonŋa tamâta ŋine mine tu, ‘Naŋa azavaru noko ne kiesaka piti lâ tini’. Aku mine nâ, naŋa akura apai tu, ‘Noko kumandi sânda, ku pwai ne rombe-rombe pwoka kulâ’. Ayo, ŋgua ndia ma itula nanenŋu walo pwataki pami, a? ¹⁰ Andeta naŋa ilonŋu tu miki ma kasama ŋine: naŋa Tamâta Natu akai Maro Kindeni ndamwa lâ tâno ŋine kulu, ikura ŋana azavaru kiesaka piti lâ tamâta tininzi.” Yesu iporo ŋgua ŋine panzi lâ, ŋinenŋa ipai pukonŋa tamâta ŋinde tu, ¹¹ “Naŋa apaino tu kumandi sânda, pwai ne rombe-rombe, ku pwoka kulâ pa tamwata ne luma!” ¹² Aku ndainani nâ tamâta ŋinde imandi ku walele nâ ikai ne rombe-rombe kâki ku iyoka tamâta naonzi ilâ. Mine kala kinzi tamâta rârâni wisinzi motutu lâ, aku sipanea Maro Kindeni ŋa siporo tu, “Muŋga kindi tamora mâsi tonje irerege kuku mâsi ŋinde, ande tia ndo!”

Yesu isarawa Livai (i ŋa tonge Matai) tu ipono muli papa

Matai 9:9-15, Luka 5:27-35

¹³ Ninennga Yesu ipile nia ŋinde ku ilâ, aku ilâ pa sâwa lâ lâ bwalika pwali. Aku tamâta ŋgu ŋalae nde simâ papa, ku itula Maro Kindeni kawa ŋgua panzi ipanananzi. ¹⁴ Aku iyoka ilâ, ande mata ilâ imora Livai, i Alfius natu, iveta wurâta lâ Rom nenzi luma ŋana mbumbu kaiŋa kâ isaŋona ŋinde. Aku Yesu ipai tu, “Noko kumâ, kupono muli pa naŋa.” Aku imandi iyoka i muli ilâ.

¹⁵ Aku muli, zo tonge, ŋinennga Yesu ilâ Livai ne luma ilo ku isaŋona ika kâpwa kuku. Aku kinzi mbumbu-kaiŋa tamwatanzi ŋgu ŋalae, sitavanzi kiesaka tamwatanzi pinde, nde sisaŋona sika kunzi Yesu ŋga ne pâri-tamâta, ŋana tu kinzi tamâta mine râra uru soka kuku Yesu. ¹⁶ Anŋa kinzi pananâŋa tamâta ŋana ŋgua tukunja kâ pinde, kinzi lâ Parisai ŋgu, ande simora tu Yesu ika kunzi kiesaka tamwatanzi wa kinzi mbumbu-kaiŋa tamâta sakamao wa. Mine kala sipainzi Yesu ne pâri-tamâta tu, “Wa, ŋana sâ kâ ŋga i ika kunzi tamâta sakamao ŋana mbumbu kaiŋa kâ wa kinzi kiesaka tamwatanzi wa, a?”

¹⁷ Andeta Yesu ilonjo ŋgua ŋine, ku ipainzi tu, “Kinzi tamâta tininzi ara uru silâ pa tamâta ŋana ivetanzi pukonja kâ, ande tia. Kinzi pukonja tamâta nâ uru silâ pa tamâta ŋana ivetanzi pukonja kâ. Naŋa ŋandai amâ tâno kulu ŋana asarawanzi kinzi vetâŋa ara warakanzi

nga. Naŋa amâ ŋana asarawanzi kinzi kiesaka tamwatanzi.”

Situ kaika ŋana kâpwa kâ

Matai 9:10-15, Luka 5:27-35

¹⁸ Yoane Lââ-Liliŋa Tamwata ne pâri-tamâta aŋga kinzi Parisai tamâta nde zo pinde uru situ kaika ŋana kâpwa kâ, ŋana ma sikai noŋa kâ. Mine nde kinzi tamâta pinde simâ sikasoŋa Yesu tu, “Yoane Lââ-Liliŋa Tamwata ne pâri-tamâta aŋga kinzi Parisai nenzi pâri-tamâta uru situ kaika ŋana kâpwa kâ. Mine nde ŋana sâ kâ ŋga noko ne pâri-tamâta ŋandai siveta mine ŋga, a?” ¹⁹ Aku Yesu isia ŋgua lâ tamwata tini ku ipainzi tu, “Ambo tamâta tonje itu ikâe, ande i ninambwe kinzi ma situ kaika ŋana kâpwa kâ lâ zo ŋinde i imo kunzi, ande ma tia. ŋana tu pakâeŋa tamwata imo kunzi yo, kala kinzi ma situ kaika ŋana kâpwa kâ, ande tia. ²⁰ Taitu muli, lâ zo ŋinde kinzi tamâta pinde ma sikai pakâeŋa tamâta ŋinde piti lâ ninambwe ŋgininzi, ŋinenŋa lâ zoni ndaina kinzi ma kalonzi sukâŋa ku ma situ kaika ŋana kâpwa kâ.”

Yesu isia ŋgua ŋana i ne mâsi wasaseki, aŋga kinzi nenzi mâsi siŋga

Matai 9:16-17, Luka 5:36-39

²¹ ŋinenŋa Yesu iporo tu, “Kinzi tamâta uru sisaraka lalava wasaseki katiŋe ku sisuta ipono pasawaŋa siŋga râge-râge, ande tia. Ambo siveta mine, ande lalava ŋana ipono pasawaŋa râge-râge ŋinde ma ipasaŋgu ku ma isaraka pasawaŋa kilo, kala ma râge-râge ipwa ŋalae

kilo. ²² Anḡa kinzi tamâta uru siwuwu waini waseki lâ nḡoa karae patu siḡa ilo, ande tia. Ambo siveta mine, ande waini ma ipondi kâki ku iveta nḡoa karae patu siḡa ipwa pwataki. Nḡinḡa waini ma imaliḡi kaa nâ lâ tâno kulu, aku nḡoa karae patu kala ma ipânḡa sakamao tava. Mine kala kinzi tamâta uru siwuwu waini waseki lâ nḡoa karae patu wasaseki nâ ilo.”

Tuḡa kaika ḡana wurâta kaiḡa lâ pwareânḡa ne zo sapânḡa

Matai 12:1-8, Luka 6:1-5

²³ Zo tonḡe, lâ Juda nenzi pwareânḡa ne zo sapânḡa tonḡe, Yesu tavanzi ne pâri-tamâta nde soka silâ sipânḡa kâpwa ‘wit’ ne tâno ḡini. Aku ne pâri-tamâta sisiki ‘wit’ kanoḡo pinde sika. ²⁴ Andeta kinzi Parisai tamâta sipai Yesu tu, “Wa! Nḡua tukuḡa ikeno tu kinda ma taveta wurâta tonḡe lâ zo sapânḡa ndimo. Mine nde ḡana sâ kâ ḡa kinzi sipu ḡua tukuḡa utu, a?”

²⁵ Andeta Yesu iporo ḡua taulo panzi tu, “Tiambo miki ḡandai kaponu ḡua ḡana vetânḡa ḡinde timbunda Daviti iveta, lâ zo ḡinde putole ipu i tavanzi ne tamâta, a? ²⁶ Lâ zo ḡinde Abaiata imo patarawânḡa tamâta nenzi tamâta ḡalae, aku Daviti ilâ Maro Kindeni ne luma ilo ku mbau ilâ ikai puroḡa ḡinde kinzi patarawânḡa tamâta muḡa sipatarâwa pa Maro Kindeni. Patarawânḡa tamâta ḡalae puroḡa ḡinde ilua Daviti, ḡinḡa Daviti ika kunzi ne tamâta. Andeta ḡua tukuḡa ikeno tu kinzi patarawânḡa tamâta simbonzi nâ ma sika puroḡa ḡinde.”

²⁷ Ninennga Yesu ipainzi tu, “Maro Kindeni nandai ionzi tamâta nana sisuka pwareânga ne zo sapânga nga. Io pwareânga ne zo sapânga nana ma isukanzi tamâta. ²⁸ Mine nde naŋa Tamâta Natu akai maro pa pwareânga ne zo sapânga tava.”

3

Yesu iveta tamâta tonje mbalau sakamao ipânga ara kilo lâ pwareânga ne zo sapânga

Matai 12:9-14, Luka 6:6-11

¹ Zo tonje Yesu ilâ luma nana pasauŋa kâ ilo. Aku tamâta tonje imo ndaina, i mbalau tonje panzukuma lâ. ² Anŋa kinzi tamâta pinde sio nana Yesu kâ. Kinzi situ sisama mine; tiambo i ma iveta tamâta ninde tini ara kilo lâ pwareânga ne zo sapânga, tiya? Kinzi situ ma sio Yesu lâ ngua nia nana ninde kâ. ³ Aku Yesu ipai tamâta mbalau sakamao ninde tu, “Noko kumâ kumandi ŋai.”

⁴ Ninennga ikasoŋanzi tu, “Mose ne ngua tukuŋa isâu pa kinda tu ma taveta vetânga ara lâ pwareânga ne zo sapânga, tiya?, taveta vetânga sakamao. Aku ngua tukuŋa isâu pa kinda tu ma taviŋanzi tamâta lâ zo sapânga tu simo ara, tiya?, tayaulanzi.” Taitu kinzi siporo tia, kawanzi buu nâ.

⁵ Aku i mata kikimbwaki ilea panzi ku wisi nâna. Imora tu kinzi taŋanzi kaika ndo, kala i ilo malia nana ninde kâ. Ninennga ipai tamâta ninde tu, “Kusowea mbalau.” Isowea mbalau lâ, aku mbalau ipânga ara kilo. ⁶ Aku ndainani nâ kinzi Parisai tamâta simandi silâ, aku sipasau

kinzi Herot ne tamâta. Kinzi silâ taitu sipa ngua tu ma siroto nzâla nana sipu Yesu pâta imâte.

*Kinzi ngu nhalae sipasau lâ lâ bwalika tini laiti
Matai 12:15-16, Luka 6:17-19*

⁷ Njineŋga Yesu ikainzi ne pâri-tamâta ku sipile lawea njinde silâ pa lââ bwalika. Aku tamâta ngu nhalae nde soka kuku i. Kinzi njinde nde papa Galilaya tâno, ⁸ anŋa Judia tâno, anŋa Jerusalem lawea, anŋa Idumea tâno, anŋa Jodan lââ tini pinde, anŋa Tair lawea wa Saidon lawea wa. Kinzi ngu nhalae tina nde siloŋo pâri nana mâsi kie-kie Yesu iveta njinde, kala simâ papa. ⁹⁻¹⁰ Yesu muŋga ivetanzi pukonja tamâta râra tininzi mbalaunzi ara kilo. Mine kala kinzi pukonja tamâta râra simâ sinje i lâ. Kinzi situ ma sio mbalaunzi ilâ sitaŋo i. Mine kala Yesu ipainzi ne pâri-tamâta tu, “Tamâta ngu nhalae simo nai kala sipono naonŋu. Mine nde kao wânŋa tonje yâti tu ma nakâki kulu.” ¹¹ Anŋa kinzi koroani saka simora i kilala pwataki, kala situndu lâ Yesu nao sisarâwa mine tu, “Noko nde Maro Kindeni Natu!” ¹² Andeta iporo kaika indi panzi tu ma situla i parina mine ndimo.

*Yesu ipateanzi pâri-tamâta saŋao kanaŋonzi
rua*

Matai 10:1-4, Luka 6:12-16

¹³ Njineŋga Yesu ikâki tuu kulu, ku isarawanzi tamâta pinde i ilo panzi njinde tu ma simâ papa. ¹⁴ Simâ lâ, njineŋga ipateanzi tamâta saŋao kanaŋonzi rua tu ma simo kuku i. Ipateanzi tu ma muli isupwanzi silâ situla Maro Kindeni kawa ngua, ¹⁵ aku i walo ilanzi sikai i ndamwa

ņana sisokinzi koroani saka piti tona. ¹⁶ I ipatea Saimon ku io ņoa Petero lâ tini, ¹⁷ aku ipatea Yamesi, i Sebedi natu, tava tai Yoane, ku ipatu kinzi rua ņanzi tonge tu, “Boanesis”. (ņoa ņinde nde duvi mine tu, “Tamâta Sitogo Mbamba Ipu”.) ¹⁸ Aku ipateanzi Andaria, ņga Pilip, ņga Bartolomyu, ņga Matai, ņga Tomas, ņga Yamesi i Alfius natu, ņga Tadius, ņga Saimon Selot, ¹⁹ anĝa Judas Iskariot, ina ma muli ikai kulu-pâņĝa ņana Yesu kâ ku io ilâ kinzi kazâņĝa tamâta mbaunzi ilo.

Kinzi tamâta pinde siporo tu Yesu ikai wurâta kuku Belsebul, ina koroani saka nenzi koipu ņalae Matai 12:31-32, Luka 11:14-22

²⁰ Yesu ipateanzi tamâta ņinde lâ, ņinenĝa ilâ pa luma kilo. Andeta kinzi tamâta ņgu ņalae nde sipasau kuku kilo ku sipono nao, kala Yesu tavanzi ne pâri-tamâta sikura tu sisanĝona sika, ande tia. ²¹ Aku Yesu see kinzi siloņo pâri ņana ņinde kâ, kala simâ tu sikale i kaika kâ. Kinzi siporo tu, “Opopo, ipâņĝa kapa lâ.”

²² Anĝa kinzi pananâņĝa tamâta ņana ņgua tukuņa kâ pinde nde sipile Jerusalem lawea sindue simâ, ku sivaligi Yesu tu, “Belsebul, i ņa tonge Sadana, ande ipagagara i lâ. Mine kala ikai koroani saka nenzi koipu ņalae ņinde ne walo ku isokinzi koroani saka piti.”

²³ Mine kala Yesu isarawanzi tu simâ kuku, ku isia ņgua panzi mine tu, “Mana mana ņga Sadana ma ikura tu isoki i tamwata ne ņgu, a?” ²⁴ Miki kalomi ņgere sondo ņga; ambo kinzi tamâta nenzi lawea taitu ma sipwa pwataki simo

ngu rua ku sikai kazâña pa warakanzi, ande lawea ñinde ma sipayaula ndo. ²⁵ Ambo tamâta tonje natu-timbu ma sipwa pwataki simo ngu rua ku sikai kazâña pa warakanzi, ande ngu ñinde ma sipayaula ndo. ²⁶ Aku mine nâ, ambo Sadana ikai kazâña pa tamwata kala ne ngu sipwa pwataki, ande i ma ikura tu imo tia, ñana tu i ne walo ma marumbu lâ. ²⁷ Mao nâ, tamâta tonje ikura tu iyoka kaa nâ ilâ tamâta kaika tonje ne luma ilo ku ikai i ne kelekele, ande tia. I ma wâlo nâ ipa tamâta kaika ñinde muŋga lâ nga. Ambo iveta mine lâ, ñinenga i ma ikai tamâta ñinde ne kelekele rârâni keno ne luma ilo ñinde marumbu lâ. ²⁸ Naña aporo mao nâ pami; tamâta nenzi kiesaka kie-kie wa ngua sakamao ñinde wa, ande Maro Kindeni ikura tu izavaru kiesaka ñinde rârâni piti lâ tininzi. ²⁹ Ambo taitu tamâta ea iporo ngua pavaligiña pa Maro Kindeni ne Koroani Sapâña, ande Maro Kindeni ma izavaru kiesaka ñinde piti lâ tini, ande tia. Tamâta ñinde ne kiesaka ñinde ma keno papa mine ku imo nâ.”

³⁰ Yesu iporo mine ñana duvi ñine kê; kinzi muŋga siporo tu, “Koroani saka ipagagara i.”

*Ea kinzi nde Yesu tina wa tai wa
Matai 12:46-50, Luka 8:19-21*

³¹ Lâ zoni ndaina Yesu tina wa tai kinzi nde simâ sipaŋga kala simandi nia yo, ku sipasupwa imâ papa. Kinzi situ i ma imâ imoranzi. ³² Anŋa tamâta ngu ñalae nde sisanona sinje i lâ, aku kinzi pinde sipai Yesu tu, “Kulonjo, noko tina wa tai kinzi nde simâ simandi nia yo kala sisarâwa pano.”

³³ Andeta iporo taulo panzi tu, “Naŋa nana wa taiŋgu wa nde ea kinzi.”

³⁴ Nŋinɛŋga i mata ilea panzi tamâta nŋinde kala sisaŋona siŋge i lâ, ku iporo tu, “Naŋa nana wa taiŋgu wa kala simo ŋai! ³⁵ Nana tu tamâta ea kinzi uru siveta ikura Maro Kindeni ne pateâŋa mine, ande kinzi nŋinde sitogo naŋa taiŋgu wa mwanɛŋgu wa nana wa.”

4

Ngua tambirâŋa ŋana tamâta ilinji kaniŋa vâsa lâ tâno ilo

Matai 13:1-17, Luka 8:4-10

¹ Zo tonŋe Yesu imandi kilo ŋana ipanananzi tamâta lâ Galilaya lââ bwalika pwali. Aku ŋgu kambwanɛnzi ŋalae nŋinde nde simâ sipasau pasâe ndo lâ i tini. Mine kala ikâki wâŋga tonŋe kulu isaŋona. Aŋga kinzi tamâta nde simandi sâwa. ² Nŋinɛŋga Yesu iporo ŋgua siâŋa rârâ nŋinde ipanananzi tu, ³ “Miki kaloŋo ŋga. Tamâta tonŋe iyoka ilâ ilinji kaniŋa vâsa lâ tâno ilo. ⁴ Ilinji ilâ, ande vâsa pinde nde imbe indue nzâla-kawa, aku sii simâ sika marumbu lâ. ⁵ Aŋga vâsa pinde nde imbe indue tâno mira-mira. Tâno nŋinde nde matatola koŋa tia, kala mata ipâŋga walele. ⁶ Andeta kari ikâki imâ ikana. Aku kâpwa nŋinde ne mburu-mburu kaika tia, kala ŋgâla-ŋgâla ndo lâ, kala imâte. ⁷ Aŋga vâsa pinde nde imbe indue wâlo mata-mata ŋgininzi. Aku wâlo nŋinde ipâŋga ŋalae ku ilita, kala kanoŋo ipâŋga tia. ⁸ Aŋga vâsa pinde nde imbe indue tâno ara kulu, aku ipâŋga ŋalae

ku ipula kanaŋo. Pinde ipula kanaŋo tamâta taitu kanaŋo saŋao (30), aŋga pinde nde ipula kanaŋo tamâta ŋato (60), aŋga pinde nde ipula kanaŋo tamâta ŋalae taitu (100).”

⁹ Aku Yesu ipainzi tu, “Ambo miki taŋami keno, ande kalonjo ŋgua ŋine sonde.”

Yesu ne mâsi ŋana iporo ŋgua tambirâŋa nâ, ne duvi

¹⁰ Muli ŋga, ŋgu ŋalae ŋinde nde silâ lâ, ŋineŋga kinzi pâri-tamâta saŋao kanaŋonzi rua sitavanzi tamâta pinde uru simo kunzi ŋinde, ande sikasonja Yesu ŋana ŋgua tambirâŋa ŋinde duvi kâ. ¹¹ Aku Yesu ipainzi tu, “Maro Kindeni itula ŋgua paveâŋa ne duvi pwataki pami ŋana i ne mâsi ŋana ikai maro panzi tamâta kâ. Aŋga kinzi tamâta simo niaka ande silonjo ŋgua tambirâŋa nâ. ¹² Nana tu muŋga ŋgua-tulâŋa tamâta Aisaia iŋgere ŋgua lâ pepa tini mine tu, ‘Kinzi matanzi ma pareŋge, andeta ma simora kelekele tonje tia. Aku ma sitambira taŋanzi, andeta ma sisama ŋgua duvi kilala tia. Ambo kinzi simo mine tia, ande ma sipalele ilonzi kalonzi, kala Maro Kindeni ma izavaru nenzi kiesaka piti lâ tininzi. Andeta tia.’ ”

Ŋgua tambirâŋa ŋana vâsa liŋija kâ, ne duvi Matai 13:18-23, Luka 8:11-15

¹³ Aku Yesu ipainzi tu, “Ambo miki kazizâla ŋana ŋgua tambirâŋa ŋine duvi, ande miki ma kakura tu kasama ŋgua tambirâŋa rârâni ne duvi mâsi mana, a? ¹⁴ Kaniŋa vâsa kala tamâta iliŋi ŋinde, ande itogo Maro Kindeni ne ŋgua.

¹⁵ Kinzi tamâta pinde sitogo vâsa ñinde imbe indue nzâla-kawa, ñana tu kinzi siloño Maro Kindeni ne ñgua lâ tañanzi, andeta lâ zoni ndaina Sadana imâ ku ikawea ñguani ndaina piti lâ ilonzi. ¹⁶ Anğa tamâta pinde nde sitogo vâsa ñinde imbe indue tâno mira-mira. Kinzi siloño ñgua ku sikai walele nâ, aku sindeka ñana. ¹⁷ Andeta kinzi sikai ñgua ñinde kaika tia. Mine kala simo zo mbwana-mbwana nâ, aku muli ñga tamâta pinde simâ situ siveta malia panzi ku siveta kenzi sakamao panzi ñana nenzi kalo-tawana kâ. Mine kala kinzi nenzi kalo-tawana imbe walele nâ. ¹⁸ Anğa kinzi tamâta pinde nde sitogo vâsa ñinde imbe indue wâlo mata-mata ñgininzi. Kinzi siloño ñgua, ¹⁹ andeta ilonzi ñalae ñana tâno ne kelekele, aku ilonzi ñalae ñana sigona mbaliña rârâ, kala ilonzi yosi ñana tonje-tonje rârâ. Aku ilo-kalo ñinde iveta kalo-lokoni panzi, kala siveta vetâña ara pinde tia. ²⁰ Anğa kinzi tamâta pinde nde sitogo vâsa ñinde imbe indue tâno ara kulu. Kinzi siloño ñgua ku sikai sipaveta kuku, kala siveta vetâña ara rârâ, itogo kanañonzi mine; pinde siveta vetâña ara tamâta taitu kanaño sanjao (30), anğa pinde siveta vetâña tamâta ñato (60), anğa pinde nde siveta vetâña tamâta ñalae taitu (100).”

Kinda uru tao sinâla lâ peke kulu

Matai 5:15-16, Luka 8:16-18, 11:33-36

²¹ Nñenğa Yesu ipainzi tu, “Kinda uru takai sinâla ku tao lâ kondo kalo wa peke kalo, ande tia. Kinda uru tao sinâla ikeno peke kulu. ²² Aku

mine nâ, ngua ndia rârâni ikeno paveânga, ñinde miki ma katula pwataki ipânga nia yo, ñana kinzi tamâta ma sikura tu sisama ngua rârâni duvi. ²³ Ambo miki tañami keno, ande kaloño ngua ñine sondo.”

²⁴ Ñineŋga Yesu ipainzi tu, “Ñgua ndia miki kaloño, ande ñinde miki ma ilomi ipatea sondo. Ñana tu tamâta ea itambira taña sondo pa Maro Kindeni kawa ngua, ande Maro Kindeni ma itula ngua ñinde ne duvi pwataki papa i, aku ma itula ngua pinde kilo papa tava. ²⁵ Mao nâ, tamâta ea ikai ilo-kalo ñana Maro Kindeni ne vetânga paveânga kâ, ande Maro Kindeni ma ilo-kalo ñalae ilua i. Anğa tamâta ea tini pwâka tu ikai ilo-kalo ñinde, ande ilo-kalo tini-mwata i muŋga ikai, ande ñinde Maro Kindeni ma ikai sañe.”

Ngua tambirânga ñana kaniña kanaño ipânga

²⁶ Aku Yesu iporo mine tu, “Maro Kindeni ne mâsi ñana ikai maro panzi tamâta kâ, ande itogo tamâta iliŋi kaniña vâsa lâ tâno ilo. ²⁷ Ikura mbo mbo tamâta ñinde ikeno, anğa kari kari imandi ku iyoka. Andeta vâsa ñinde ipânga ilâ ñalae mâsi mana; ande tamâta ñinde isama ñine tia. ²⁸ Ñana tu tâno tamwata nâ iveta wurâta papa vâsa ku iveta kâpwa ipânga. Mata ipânga muŋga, ñineŋga io lau, aku mwanga nga kanaño ipânga ñalae itumbua mata. ²⁹ Aku muli nga kanaño ñinde ipânga ñalae lâ, kala tâno warika ñinde isupwanzi ne wurâta tamâta tu sikai nenzi pila silâ ñana sitoto kâ. Ñana tu kâpwa gonânga ne zo nde imâ ipânga lâ.”

Ngua tambirâṅa ṅana kaniṅa vâsa mota mwata

Matai 13:31-32, Luka 13:18-19

³⁰ Ninenṅa Yesu ipainzi ne pâri-tamâta tu, “Kinda ma taporo ṅgua mana ṅana tatula Maro Kindeni ne mâsi ṅana ikai maro panzi tamâta kâ ipânṅa nia yo. Kinda ma tasia ṅgua mana ṅana tatula ṅinde pwataki. ³¹ Maro Kindeni ne mâsi ṅinde nde itogo kaniṅa ‘mastet’ vâsa. Mastet vâsa ṅandai irerege kuku vâsa rârâ kinzi tamâta uru sipau lâ tâno ilo ṅga. I nde mota mwata, itogo paulo mine. ³² Tamâta ipau vâsa ṅinde lâ, ṅinenṅa kâi mastet ṅinde ipânṅa aku ilâ ṅalae tina lâ, aku i ne luandondo ipolenzi kaniṅa kie-kie rârâni uru sipau lâ tâno ilo. I laka ṅalae ṅinde, kala kinzi sii kie-kie uru sipagona simâ sisanṅona ne laka kulu.”

Yesu iporo ṅgua tambirâṅa nâ

³³ Yesu iporo ṅgua panzi tamâta, ande iporo ṅgua tambirâṅa rârâ mine, ipakura kuku nenzi ilo-kalo ṅinde. ³⁴ I ṅandai iporo ṅgua rârâ ipânṅa nia yo panzi ṅga. Iporo ṅgua tambirâṅa rârâ panzi. Andeta i uru ikainzi ne pâri-tamâta silâ pa nia ṅgaṅe, ṅinenṅa itula ṅgua ṅinde rârâni duvi pwataki panzi.

Yesu itu ṅgua kaika pa kâla-lawea, kala pâti kii lâ

Matai 8:23-27, Luka 8:22-25

³⁵ Aku lâ zoni ndaina, kari indue lala lâ, ṅinenṅa Yesu ipainzi ne pâri-tamâta tu, “Ayo, kinda ma tambwaliu talâ pa lââ bwalika tini pinde.” ³⁶ Aku sipilenzi tamâta ṅgu ṅalae ṅinde,

ku sikâki wânnga munnga Yesu isanona ninde kulu. Aku sikai Yesu tava silâ. Annga wânnga pinde nde silâ kunzi tava. ³⁷ Andeta lawea iyoka more-more njae ku ne kâla kâki ilinji lâ wânnga ilo, aku lââ pipi lâ. ³⁸ Annga Yesu nde ikulanda kulânda tonje ku ikeno wânnga ilo pa muli kâ. Mine kala kinzi sipaño Yesu ku sipai tu, “Pananâña! Laiti nana kinda tambwatuke kâ, andeta noko kalo sukâña tia tâ!”

³⁹ Aku Yesu imandi itu ngua kaika pa lawea ku ipai tu, “Kura lâ! Pâti kii lâ!” Aku ndainani nâ lawea pâti kii lâ, aku kâla imâte lâ. ⁴⁰ Ninennga ipainzi ne pâri-tamâta tu, “Nana sâ kâ nga miki karuru pâta, a? Miki nemi kalo tawana nde kiri-mwata nâ!”

⁴¹ Andeta kinzi siruru pâta kanaño ku siporo nenzi mine tu, “Opopo, tamâta njine nde tamâta mana kala iporo kaika pa kâla-lawea, aku kinzi kala sipalono pa i kawa ngua!”

5

Yesu isokinzi koroani saka piti lâ tamâta kapa tonje ilo

Matai 8:28-34, Luka 8:26-39

¹ Kinzi silâ lee sitoa lââ bwalika tini pinde, lâ kinzi Gerasa nenzi tâno. ² Yesu ipile wânnga itoa lâ, njinennga walele nâ tamâta tonje ipakâtu kuku, i koroani saka ipagagara lâ. Tamâta ninde imo potomule lâ kuru nia, kala iyoka pa ninde imâ. ³ Tamâta ninde uru ikeno ngânza ilo lâ kuru nia ninde. Munnga, kinzi tamâta pinde sipa wâlo kaika lâ i tini, andeta kala njine sikura

tu siveta mine kilo, ande tia. ⁴ Munğa, ikura zo rârâ kinzi sipa i kie-mbalau lâ wâlo kaika. Andeta i uru itaki wâlo kaika ñinde utu. I nde tamâta kaika ndo, kala tamâta tonje ikura tu ikai i kaika, ande tia. ⁵ Ikura kari wa mbo wa, tamâta ñinde imo kuru nia wa tuu kulu wa, aku uru kawa pakâe ipaive tamwata karae lâ mira tu ma ipayaula pâta imâte.

⁶ Tamâta kapa ñinde imandi imo malawae, andeta mata ilâ imora Yesu kala ipalilu imâ ku ipare tuku papa. ⁷⁻⁸ Aku Yesu ipai tu, “Noko koroani saka ñai, noko kupile tamâta ñine ku pwâwa kulâ!” Andeta koroani saka isarâwa kaika ndo ku iporo tu, “Yesu, Maro Kindeni âta Tamwata Natu, noko kutu kuveta mana pa naña, a? Naña ano pano lâ Maro Kindeni ña tu noko ma nâna kulua naña ndimo!”

⁹ Aku Yesu ikasonja koroani saka mine tu, “Anğa noko nde ña mana.” Ande iporo taulo tu, “Naña ñângu ‘Zugu Tamwatama’, ñana tu maka ñgu kambwanjema ñalae ndo.” ¹⁰ Aku ino kaika ñinde pa Yesu tu, “Noko ma kuñarama lâ tâno ñine ndimo!” ¹¹ Aku ñgoa ñgu ñalae nde simo nia ñinde, sipañuju sika simo nia ndamwa. ¹² Aku kinzi koroani saka sino kaika pa Yesu tu, “Kuo maka kalâ kinzi ñgoa ñinde ilonzi.” ¹³ Aku Yesu isâu panzi tu silâ. Aku marumbu; kinzi koroani saka sipile tamâta ñinde ku silâ ñgoa ilonzi. Nñenğa ñgoa ñinde nde wisinzi motutu simañguru sipalilu kaika silâ sindue nia ndamwa ñinde. Nğoa ñgu ñinde kambwanjenzi ipânğa ikura 2000 mine, aku kinzi rârâni sisonğa

sindue lââ bwalika ilo sinu lââ ku sipamateteu marumbu lâ.

¹⁴ Njineŋga kinzi ŋgoa nenzi katonâŋa tamâta nde sikâwa silâ, ku sikai pâri silâ pa lawea ilo wa nia njinde ndoni wa. Mine kala kinzi tamâta simâ tu simora mâsi kala muŋga ipâŋga njinde.

¹⁵ Kinzi simâ sipâŋga pa Yesu, aku simora tamâta njinde, muŋga koroani saka rârâ sipagagara, andeta njineŋga ipita lalava ku ne ilo-kalo ipâŋga sondo lâ, kala isaŋona imo. Kinzi tamâta simora njine ku wisinzi motutu.

¹⁶ Njineŋga kinzi tamâta kala muŋga simora mâsi njinde nde sitapâri panzi ŋana mâsi njinde ipâŋga pa tamâta njinde, ina muŋga koroani saka sipagagara. Aku sitapâri panzi ŋananzi ŋgoa tona. ¹⁷ Njineŋga kinzi tamâta sino kaika pa Yesu tu ma ipile nenzi lawea ku ilâ pa nia tonje.

¹⁸ Mine kala Yesu ikâki wâŋga kulu. Andeta tamâta njinde muŋga koroani saka sipagagara, ande ino Yesu mine tu, “Naŋa ilonju tu ma amo kuku noko.”

¹⁹ Andeta Yesu ipai tu, “Tia. Noko kutaulo kulâ panzi noko see, aku kutapâri panzi ŋana vetâŋa rârâni Maro Njalae iveta pano njine. Aku kutula pwataki panzi tu i kalo sukâŋa ŋanano.”

²⁰ Njineŋga tamâta njinde ilâ, aku iveta wurâta ŋana itu pâri njinde panzi tamâta simo lawea pinde sipatu ŋa tu Dekapolis (nenda ŋgua tu “Lawea Saŋao”). Itapâri panzi ŋana vetâŋa njinde Yesu muŋga iveta papa. Mine kala kinzi tamâta rârâni nde ilonzi rârâ.

Yesu ipaŋo katonâŋa tonje natu taine imo via

kilo, ku iveta taine tonje tini ara kilo tava

Matai 9:18-26, Luka 8:40-56

²¹ Yesu ikainzi ne pâri-tamâta sikâki wânga kulu ku simbwaliu kilo. Sitoa lâ, ñineŋga tamâta ŋgu ŋalae ñinde nde simâ sipasau lâ Yesu tini lâ lââ bwalika pwali. ²² Ñineŋga tamâta tonje, i ŋa tu Jairus, ande imâ ipânga. I nde luma ŋana pasauŋa kê ne katonâŋa tamâta tonje. I mata ilâ imora Yesu, ku imâ ipare tuku lâ i kie tini laiti. ²³ Aku ino kaika pa Yesu tu, “Naŋa natuŋgu taine taipa nde laiti ŋana imâte kê. Mine nde kumâ kutano i, aku ma tini ara kilo ku ma imo via.” ²⁴ Aku Yesu iyoka kuku silâ.

Andeta tamâta ŋgu ŋalae ñinde soka i muli, ku sipatingi nâ. ²⁵ Aku taine tonje kala imo ndaina, i uru imora nzimona zo rârâni. I imo mine ikura mbwera saŋao kanaŋo rua lâ, ²⁶ aku kinzi tamâta ŋana sivetanzi pukoŋa kê rârâ nâna kie-kie silua i ŋana ne pukoŋa ñinde kê. Taine ñinde nde ipile ne mbumbu rârâ panzi, andeta ne pukoŋa marumbu tia, ikeno kaika lâ tini ku imo nâ. ²⁷⁻²⁸ Taine ñinde iloŋo Yesu parina lâ, kala i ilo pateo tu, “Ambo naŋa mbaungu sili atano i ne pasawaŋa ŋgaŋe nâ, ande ma tiningu ara kilo.” Mine kala imâ imo tamâta ŋgu ŋalae ñinde ŋgininzi. Imege ku iyoka pa Yesu muli imâ, ku mbau ilâ itano i ne pasawaŋa ŋgaŋe. ²⁹ Ñineŋga walele nâ i see mâsa-mâsa, ku ipasama tini tu pukoŋa ñine nde marumbu lâ.

³⁰ Andeta Yesu ipasama tu i ne walo pinde nde ilâ lâ. Mine kala ipupulia ku ikasonanzi ŋgu tu, “Ea itano nanenju pasawaŋa ŋgaŋe.”

³¹ Andeta i ne pâri-tamâta sipai tu, “Opopo, kinzi tamâta ŋgu ŋalae nde sitiŋgi noko. Mine nde mana mana ŋga noko pwasonjanzi tu, ‘Ea itaŋo naŋa’, a?”

³² Andeta Yesu mata imora ilâ wa imâ wa tu isama tamâta ea itaŋo i. ³³ Aku taine ŋinde ipasama lâ ŋana vetâŋa ŋinde kala ipâŋga papa, aku i kalo loko ku tini ruru. Tia ku imâ pa Yesu ku ipare tuku papa, ku iporo pwataki ŋana vetâŋa ŋinde rârâni. ³⁴ Ŋineŋga Yesu ipai tu, “Natunŋu, noko ne kalo-tawana ŋinde ivetano tini ara kilo. Noko kulâ, aku wisi puu ndue, ŋana tu noko ne pukonja nde marumbu lâ.”

³⁵ Yesu iporo ŋgua ŋine yo, ŋineŋga tamâta pinde munŋa soka pa katonâŋa Jairus ne luma kê nde simâ sipâŋga lâ. Aku sipai tu, “Noko natu nde imâte lâ. Mine nde noko ma kuveta kalolokoni papa pananâŋa kilo ndimo.” ³⁶ Andeta Yesu ipaloŋo pa kinzi nenzi ŋgua ŋinde, ande tia. Iporo pa Jairus mine tu, “Noko kururu ndimo. Kalo tawana naŋa nâ.”

³⁷ Aku itu kaika panzi tamâta tu ma soka kuku i simâ ndimo. Ikainzi Petero, ŋga Yamesi, ŋga Yamesi tai Yoane, aku kinzi ŋato nâ soka kuku i silâ. ³⁸ Kinzi silâ lee sipâŋga katonâŋa Jairus ne luma, ande Yesu imoranzi tamâta siveta nduŋeŋa ŋalae wa sita pâta lâ. ³⁹ Aku ilâ luma ilo ku ipainzi tu, “Ayo, ŋana sâ kê ŋga miki kata wa kaveta nduŋeŋa ŋalae konja, a? Lâlu ŋine ŋandai imâte ŋga; ikeno mata nâ.” ⁴⁰ Andeta kinzi siŋelea i pâta kanaŋo.

Tia ku ionzi tamâta rârâni siyâti pa nia yo. Ŋineŋga ikainzi lâlu tina ku tama rua, sitavanzi

ne pâri-tamâta ñato, aku kinzi ñinde nâ soka silâ luma ilo kisiña pwataki lâlu ikeno ñinde. ⁴¹ Ninenğa isaña taine taipa ñinde mbau ku ipai tu, “Talita kumi!” Nğua ñinde nde duvi mine tu, “Taine taipa, naña apaino tu kumandi sânda!” ⁴² Aku walele nâ taine taipa imandi ku iyoka. I ne mbwera ipânğa ikura sañao kanaño rua mine. Aku kinzi simora mâsi ñinde ku wisinzi motutu lâ. ⁴³ Andeta Yesu indi kaika panzi mine tu, “Miki ma katapâri pa tamâta tonđe ñana mâsi ñine ndimo.” Aku ipainzi tu, “Kâpwa pinde kalua taine taipa ñine ika.”

6

Kinzi tamâta lâ Nasarete lawea sipu mulinzi pa Yesu

Matai 13:54-58

¹ Yesu ipile lawea ñinde aku ilâ pa tamwata ne lawea. Aku i ne pâri-tamâta nde soka kuku silâ. ² Aku lâ pwareânğa ne zo sapânğa, Yesu ilâ luma ñana pasauña kâ ilo ku itula Maro Kindeni kawa nğua pwataki panzi tamâta. Kinzi siloño i ne nğua, aku kinzi rârâni wisinzi motu pâta. Kinzi sipakasona tu, “Opopo, tamâta ñine nde ikai nğua ñine lâ nia ndia, a? Anğa ilo-kalo ñine kala ikeno papa i, ande ilo-kalo mana, a? Mana mana nğa iveta mâsi kaika mine, a? ³ Tiambo tamâta ñine uru iveta wurâta ñana ipa luma kâ, tiya? Tiambo i nde Maria natu, anğa i nde Yamesi wa Josis wa Juda wa Simeon tuanzi, tiya? Tiambo i mwane wukale kala simo ñai kuku

kinda, tiya?” Kinzi siporo ngua mine rârâ, ku sipu mulinzi pa Yesu.

⁴ Andeta Yesu ipainzi tu, “Kinzi tamâta simo lawea ndoni nde ilonzi ara pa ngua-tulânga tamâta. Taitu kinzi tamâta lâ i tamwata ne lawea tina wa i see wukale wa, kinzi ñinde ilonzi ara papa i, ande tia.” ⁵ Kinzi nenzi kalotawana ikeno pa Yesu tia ndo. Mine kala ikura tu iveta mâsi kaika tonje lâ lawea ñinde, ande tia. Andeta io mbau lâ kinzi pukonja tamâta pinde nâ tininzi, ku ivetanzi tininzi ara kilo. ⁶ Aku Yesu ilo malia ñana kinzi tamâta ñinde nenzi kalotawana soki-soki ñinde. Ñineŋga iyoka ilâ pa lawea pinde, ku ipanananzi tamâta ñana Maro Kindeni kawa ngua.

Yesu iwae wurâta panzi ne pâri-tamâta sanjao kanaŋonzi rua

Matai 10:1-42, Luka 9:1-6

⁷ Yesu isarawanzi ne pâri-tamâta sanjao kanaŋonzi rua tu simâ kuku, ñineŋga ionzi rua rua tu ma silâ situla pâri ara. Aku i tamwata ne walo kaika ilanzi ñana sisokinzi koroani saka piti lâ tamâta ilonzi. ⁸ Ñineŋga ipainzi tu, “Miki ma kakai nemi tukâla ñana yokânga kâ ñine nâ koka. Miki ma kakai sâ tonje iyoka tona ndimo. Miki ma kakai kâpwa wa tânga wa mbumbu wa ndimo. ⁹ Miki ma kasawa kâmba lâ kemi, ambo taitu ma kasawa pasawaŋa rua ndimo. ¹⁰ Ambo miki kalâ kapânga lawea tonje ku kalâ luma tonje ilo, ande miki ma kakeno luma taituni ñinde nâ ilo. ¹¹ Ambo kinzi tamâta lâ lawea pinde tininzi pwâka ñanami ku taŋanzi kaika

ņana nemi ņgua, ande ara, kapile lawea ņinde, aku kapamasi kemi tano gawura piti, ņana itula nenzi vetana soki ņinde pwataki.”

¹² Yesu iporo ņgua ņine panzi lâ, ņinenęa silâ ku situla ņgua mine tu, “Miki kapalele ilomi kalomi.” ¹³ Aku sisokinzi koroani saka rârâ piti lâ tamata ilonzi tava. Anęa kinzi pukonęa tamata rârâ, ande pâri-tamata sivala samimi lâ tininzi, kala Maro Kindeni ivetanzi tininzi ara kilo.

*Yoane Lââ-Liliņa Tamwata imate lâ
Matai 14:1-14, Luka 9:7-9*

¹⁴ Pa zo ņinde, Herot ikai koipu panzi tamata rârâni simo tano ņinde. Anęa Yesu parina nde ilâ isala nia ndoni. Mine kala Herot ilono ņgua ņana Yesu ne pâri-tamata nenzi vetana ņinde. Kinzi tamata pinde simora Yesu ne mâsi kaika ku siporo tu, “Yoane Lââ-Liliņa Tamwata imandi sânda lâ mateņa nianzi imo via kilo, kala walo kaika nalae nde ipanęa lâ i mbalau!” ¹⁵ Anęa kinzi pinde nde siporo tu, “I nde Iliia.” Anęa pinde nde siporo tu, “I nde ņgua-tulana tamata, itogo kinzi ņgua-tulana tamata munęana ņinde.”

¹⁶ Andeta Herot ilono ņgua ņine, aku iporo tu, “Opopo, munęa naņa atoto Yoane Lââ-Liliņa Tamwata ņandola utu lâ. Andeta ņine imandi sânda imo via kilo tâ!”

¹⁷⁻¹⁸ Herot ne ņgua ņinde nde duvi mine; munęa Herot tai Pilip ikai taine tonęe, i ņa mine Herodias, andeta muli, ņinenęa Herot ikai taine ņinde saņe Pilip, aku rua sipakâe. Andeta Yoane Lââ-Liliņa Tamwata iporo ņgua kaika mbwani

rârâ pa Herot ilelea mine tu, “Nana sâ kê nga noko pwai tai kaiwa, a? Mâsi mine nde ara tia ndo!” ¹⁹⁻²⁰ Herodias ilonjo ngua njine, aku i wisi nâna pa Yoane Lââ-Liliņa Tamwata, kala itu ipu Yoane pâta imâte. Andeta Herot nde imege njana Yoane, aku isama tu Yoane nde tamâta sapâņa kala iveta vetâņa sondo ndo. Mine kala Herot isupwanzi tamâta pinde silâ sikale Yoane Lââ-Liliņa Tamwata kaika ku sipa lâ wâlo kaika, njineņa sikai silâ sio lâ luma sakamao ilo. Aku Herot ikatona Yoane sondo, aku i tini mwasa nâ njana ilonjo Yoane iporo ngua. Andeta lâ zo njana ilonjo Yoane iporo ngua, ande i uru ilo rua-rua wa ilo malia tona.

²¹ Andeta muli, njineņa Herodias isânda nzâla njana Yoane ma imâte kê. Njinde ipâņa lâ zo njinde Herot iveta kêņa-nuņa njalae njana ne zo tina ipagugua i kê. Iveta kêpwa njinde panzi tamâta njalanala uru sisuka i njana wurâta kê, sitavanzi kinzi zugu tamâta nenzi koipu wa kinzi mbaliņa warakanzi simo Galilaya tâno. ²² Lâ zoni ndaina, Herodias natu taine imâ luma ilo ku ikina kiniņa panzi. Aku kinzi tamâta kala sika kuku Herot njinde nde ilonzi yosi papa taine njinde. Mine kala Herot ipai taine taipa tu, “Sâ kelekele tonje noko ilo papa kala kuno naņa, ande ma naņa alano.” ²³ Njineņa Herot iporo ngua kaika tu, “Naņa aporo mao pa âta, ambo noko kuno pana njana kelekele tonje, ande njinde ma nalano. Ambo noko kupai naņa tu, ‘Noko kupu ne mbaliņa ndoni pwataki lâ njini ku pinde kulana’, ande ara, naņa akura.”

²⁴ Mine kala taine taipa iyâti ilâ ku ikasonja tina

tu, “Naṅa ma asarâwa sâ papa.” Aku tina nde iporo tu, “Noko kupai tu, ‘Naṅa atu akai Yoane Lââ-Liliṅa Tamwata kulu kâmba’.”

²⁵ Taine taipa itaulo imâ walele nâ papa Herot, aku ipai tu, “Naina nâ, naṅa atu noko ma kuo Yoane Lââ-Liliṅa Tamwata kulu kâmba lâ kondo ilo, ku pwai kumâ kutula pa naṅa.”

²⁶ Taine iporo mine lâ, aku Herot ilo malia ṅalae ṅinde. Andeta i ilo ṅana ne ṅgua pâṅa muṅga iveta lâ kinzi tamâta sisaṅona kuku i ṅinde naonzi. Mine kala i tini pwâka tu itoto taine taipa ṅinde kawa ṅgua. ²⁷ Tia ku Herot walele nâ isupwa ne sambara tonḡe ilâ tu ikai Yoane kulu kâmba imâ. Aku sambara ṅinde ilâ pa luma sakamao nia, ku itoto Yoane ṅandola utu, ²⁸ ku io kulu kâmba lâ kondo tonḡe ilo, ku ikai imâ itula pa taine taipa. Aku taine taipa kala itula pa tina. ²⁹ Yoane ne pâri-tamâta siloṅo ṅgua tu Yoane ṅga imâte lâ, kala simâ sikai i karae ku silâ sikea.

Yesu kâpwa ilanzi tamâne 5,000

Matai 14:13-21, Luka 9:10-17, Yoane 6:5-13

³⁰ Kinzi pâri-tamâta saṅao kanaṅonzi rua nde sitaulo simâ sipasau kuku Yesu kilo, aku sitapâri papa ṅana vetâṅa siveta wa ṅgua sipanananzi tamâta ṅinde wa. ³¹ Andeta kinzi tamâta râra nde silâ wa simâ wa, kala Yesu ne zo ṅana ipwarea ika kunzi ne pâri-tamâta, ande tia. Mine kala Yesu ipainzi tu, “Ayo, kinda nâ ma talâ papa nia ṅgaṅe tonḡe tamâta simo tia, mambo miki kapwarea ṅga.” ³² Ninenḡa kinzi sikai wânḡa silâ pa nia tonḡe tamâta simo tia.

³³ Andeta tamâta ngu ñalae ñinde simoranzi ku sisama tu kinzini kala silâ. Tia ku sipile nenzi lawea rârâni ku sipalilu simunga silâ sikai nia ñinde lâ. Aku muli, ñinennga Yesu tavanzi ne pâri-tamâta nde simâ sipânga. ³⁴ Yesu itoa tina tini, aku mata ilâ imoranzi tamâta ngu ñalae, aku i kalo sukânga ñananzi, ñana tu kinzi sitogo lama ngu nenzi katonânga tia mwasina. Mine kala iveta wurâta ñana ipanananzi ngua rârâ.

³⁵ Ipanananzi lee kari indue lala lâ, ñinennga ne pâri-tamâta simâ papa ku sipai tu, “Wa, kari nga indue lala lâ, aku nia nganje ñine tamâta simo tia. ³⁶ Mine nde kuonzi tamâta tu silâ, aku ma siroto ñana nia wa lawea ñana sipako kapwanzi sika kâ.” ³⁷ Andeta Yesu itu lâ kawanzi tu, “Miki warakami nâ kasuanzi.” Ande kinzi sipai tu, “Opopo, tiambo noko kutu maka ma kalâ kako puroña lâ mbumbu tamâta-tamâta aku kasuanzi, a?” ³⁸ Ñinennga Yesu ikasonanzi tu, “Miki kalâ kamora, puroña ñapia keno pami.” Kinzi sisama lâ aku siporo tu, “Puroña lima anga inja rua nâ kala keno pama.”

³⁹ Ande Yesu ipainzi tu, “Kaonzi tamâta sisañona ngu ngu sipasenge lâ unza kulu.” ⁴⁰ Kinzi lambunzi ndue sisañona ngu ngu, kambwanenzi ikura 100 wa 50 wa. ⁴¹ Ñinennga Yesu ikai puroña lima tava inja rua ñinde kâki, aku mata kâki pa samba ku kawa ndange pa Maro Kindeni. Ñinennga ipwataki puroña ilanzi ne pâri-tamâta tu siwae panzi tamâta. Aku ipwataki inja rua kala ku iveta mine nâ, iwae panzi rârâni sika. ⁴² Kinzi tamâta rârâni sika lee kapwanzi pupuro lâ. ⁴³ Sika lâ, aku puroña wa inja

katiye keno mo nai yo. Ninennga Yesu ne pâri-tamâta sigona kâpwa ninde ikura ngâmo njalae sanjo kanao rua ilonzi pipi panga. ⁴⁴ Kinzi tamâne kala sika kâpwa ninde kambwanenzi nde ipanga ikura 5,000 mine.

*Yesu iyoka lââ bwalika kulu
Matai 14:22-32, Yoane 6:15-21*

⁴⁵ Yesu ipasusuanzi ne pâri-tamâta tu sikai wanga ku walele nâ simunga simbwaliu silâ papa lââ bwalika tini pinde lâ Betsaida lawea. Anga i itu ma ionzi tamâta mbo silâ nga. ⁴⁶ Yesu ionzi tamâta silâ lâ, ninennga ikâki tuu tonje kulu nana ikai noja kâ.

⁴⁷ Ikai noja lee lala pararai lâ, aku wanga nde ilâ ipanga lââ bwalika ngini. Anga Yesu nde simbo nâ imandi sâwa. ⁴⁸ Aku i mata ilâ imoranzi ne pâri-tamâta simakâsa njalae nana sipoe kâ, nana tu sikundua lawea njalae. Aku mbwale mbwale kâ, ninennga Yesu iyoka lââ kulu ilâ panzi. Iveta nana ipolenzi kâ, ⁴⁹ andeta ne pâri-tamâta matanzi kâki simora i iyoka lââ kulu, aku situ i nde barawe, kala sitara pata. ⁵⁰ Kinzi rârâni simora i aku siruru pata kanao. Andeta walele nâ Yesu ipainzi tu, “Wa, miki tinimi kaika, karuru ndimo! Njine nde nanani warakangu!”

⁵¹ Aku ikâki ilâ wanga ilo kunzi, ninennga lawea kautu lâ. Aku kinzi wisinzi motu pata ku ilonzi rârâ. ⁵² Nana tu ilonzi kalonzi ndandai ipanga nana puroja ninde munga Yesu ilanzi tamâta nga. Kinzi kalonzi tawana soki-soki yo.

*Yesu ivetanzi pukoŋa tamâta tininzi ara lâ
Genesaret lawea*

Matai 14:34-36

⁵³ Yesu ikainzi ne pâri-tamâta ku simbwaliu silâ sitoa, ñineŋga sisine wâŋga papa lââ bwalika tini pinde lâ Genesaret lawea. ⁵⁴ Kinzi sipile wâŋga sitoa tina tini, andeta walele nâ kinzi tamâta lâ lawea ñinde simora Yesu kilala pwataki lâ. ⁵⁵ Mine kala kinzi sipalilu sikura nia nia silâ, aku sitapâri tu Yesu ŋga imâ ipâŋga lâ. Ñineŋga sionzi nenzi pukoŋa tamâta lâ romberombe kulu, aku sikalenzi simâ pa Yesu. ⁵⁶ Aku ikura nia nia wa lawea ndia Yesu ilâ ipâŋga, ande kinzi uru sionzi nenzi pukoŋa tamâta lâ ao ŋgini. Aku kawanzi kâki sisarâwa sino kaika pa Yesu tu ma isâu pa nenzi pukoŋa tamâta tu sitaŋo i ne pasawaŋa ŋgaŋe. Aku kinzi ñinde sitaŋo i ne pasawaŋa ŋgaŋe, ande kinzi rârâni tininzi ara kilo.

7

*Maro Kindeni ne tukuŋa ipole timbunda nenzi
vetâŋa siŋga*

Matai 15:1-9

¹ Kinzi Parisai ŋgu sitavanzi kinzi pananâŋa tamâta ŋana ŋgua tukuŋa kâ pinde nde soka Jerusalem simâ ŋana sipasau kuku Yesu. ² Andeta matanzi ilâ simora tu Yesu ne pâri-tamâta pinde ñandai sipua mbalaunzi muŋga lâ ñineŋga sika. ³ (Ñine nde duvi mine; kinzi Parisai aŋga kinzi Juda tamâta rârâni uru sipaveta kuku timbunzi muŋgâŋa nenzi vetâŋa rârâni. Mine kala ambo kinzi ma sipua mbalaunzi sondo

tia, ande ma sika tia. ⁴ Aku mine nâ, ambo kinzi ma silâ pa nââ nia, ñinennga sitaulo simâ kilo, ambo sipua tinikoa nenzi muso piti lâ mbaunzi wa kâpwa tia, ande ma sika tia. Mao nâ, kinzi sipaveta kuku vetâña rârâ siloño wa sikai lâ timbunzi ñinde, kala uru sipua kulo-kâmba wa moe-sambure wa.)

⁵ Mine kala kinzi Parisai tamâta sitavanzi kinzi pananâña tamâta ñana ñgua tukuña kâ nde sikasona Yesu tu, “Ñana sâ kâ ñga noko ne pâri-tamâta ñandai sipaveta kuku timbunda nenzi vetâña, a? Ayo, tinikoa nenzi muso ikeno mbalaunzi yo, andeta sika!”

⁶ Andeta Yesu itu lâ kawanzi tu, “Opopo, nanayoni ñgua-tulâña tamâta Aisaia itula miki kilalami pwataki tu miki kawami kaporo ñgua kie tonje, anga ilomi nde keno piti. Mao nâ, Aisaia ikai Maro Kindeni kawa ku ñngere ñgua lâ pepa tini mine tu,

‘Kinzi ñgu ñine uru sipanea naña koa tia nâ lâ kawanzi, anga ilonzi nde keno pa naña tia ndo.

⁷ Kinzi uru situla tamâta nâ nenzi ñgua tukuña ku siporo tu, “Maro Kindeni kawa ñgua kala ñine”. Mine kala sipanea naña koa tia nâ.’

⁸ Miki kapile Maro Kindeni ne ñgua tukuña marumbu lâ, aku ilomi ipaipa kuku tamâta nâ nenzi mâsi.”

⁹ Ñinennga Yesu ipainzi kilo tu, “Mao nâ, miki uru kapu mulimi papa Maro Kindeni ne ñgua tukuña, ñana kapono muli pa warakami nemi vetâña nâ. ¹⁰ Ñana tu Mose muñga iporo tu,

‘Noko ma kupono muli pa tina-tama kawanzi ngua. Ambo tamâta tonje iporo ngua soki panzi tina-tama, ande kinzi katonâña ma sipu i pâta imâte’. ¹¹ Andeta miki uru kapanananzi tamâta ngua kie tonje. Miki uru kaporo tu, ‘Ambo tamâta tonje ne mbaliña keno ñana isukanzi tina-tama, andeta ipainzi tu, “Mbaliña ñine ande ilonju patea tu ma ao ilâ papa Maro Kindeni, kala ma avilami tia”, ande tamâta ñinde iveta soki tia.’ ¹² Opopo, miki kaporo ngua soki mine nâ, kala kapono nzâla ñana i ma ivetanzi tina-tama sondo. ¹³ Mine nde miki kalaña kapole Maro Kindeni ne ngua tukuña, aku koka timbumi nenzi vetâña muli nâ. Aku miki uru kapanananzi tamâta ñana sipaveta kuku vetâña soki-soki rârâ mine nâ.”

Kelekele ndia iveta tamâta ilo muso

Matai 15:10-20

¹⁴ Yesu isarawanzi tamâta tu simâ kuku kilo, ñineña ipainzi tu, “Miki rârâni kalonjo nanenju ngua, aku ilomi patea sondo nga. ¹⁵ Kelekele ndia ikeno pa nia yo ñineña ilâ pa tamâta ilo, ande ñinde ikura tu iveta i ilo muso lâ Maro Kindeni nao, ande tia ndo. Anja ilo-kalo wa vetâña ndia ikeno tamâta ilo ñineña iyâti imâ pa nia yo, ande ñinde nâ iveta i ilo muso lâ Maro Kindeni nao. [¹⁶ Ambo miki tanjami keno, ande kalonjo ngua ñine sondo.”] *

* **7:16** 16 Nia ndoyo, ngua ñine kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipânja lâ muli nde isenge ngua ñine ilâ kuku ngua ikeno munja.

¹⁷ Yesu iporo ngua njine lâ, njineŋga ipilenzi ku ilâ luma ilo. Njineŋga i ne pâri-tamâta sikasonja i njana ngua tambirâna njinde ne duvi. ¹⁸ Andeta Yesu ipainzi tu, “Opopo, miki warakami kala ilomi kalomi ipâŋga tia yo, a? Tiambo miki kasama njine tia tâ: kelekele ndia ikeno pa nia yo njineŋga ilâ pa tamâta ilo, ande njinde ikura tu iveta i ilo muso lâ Maro Kindeni nao, ande tia ndo. ¹⁹ Njana tu kelekele mine njandai ilâ tamâta ilo nga. Njinde ma ilâ kapwa ilo nâ, aku muli ma imbariŋa lâ.” (Yesu ne ngua njinde itula pwataki tu kâpwa rârâni nde ara njana taka kâ.)

²⁰ Njineŋga Yesu iporo kilo tu, “Ilo-kalo wa vetâna ndia ikeno tamâta ilo njineŋga iyâti imâ pa nia yo, ande njinde nâ iveta tamâta ilo muso lâ Maro Kindeni nao. ²¹ Njana tu vetâna sakamao kie-kie iyoka pa tamâta ilo ku iyâti imâ pa nia yo. Mao nâ, kinzi tamâta nenzi ilo-kalo sakamao uru igagatinzi njana sipalulua tininzi potomule wa, sipanâwe wa, sipunzi tamâta pâta simâte wa, sipanawe tamâta kaiwanzi wa, ²² ilonzi yosi njana tamâta nenzi kelekele wa, siveta mâsi potomule kie-kie wa, siporo ngua lajeŋa tava ngua sakamao wa, sipadâda wa, situ tamâta lagananzi wa, siveta vetâna kapa-kapa wa. ²³ Mao nâ, vetâna sakamao kie-kie njinde rârâni ipâŋga tamâta ilo ku iyâti imâ pa nia yo, aku vetâna mine nde iveta i ilo muso lâ Maro Kindeni nao.”

*Tinikoa ngu taine tonje kalo tawana Yesu
(Kinzi Juda ngu uru siporo tu ngu njinde nde*

*sitogonzi mbwâmbwa)**Matai 15:21-28*

²⁴ Yesu imandi ipile lawea ñinde, aku iyoka ilâ pa Tair lawea, lâ tinikoa ngu tonje nenzi tâno. Iyoka paveâña nâ ilâ luma tonje ilo, ñana tu i ilo tu ma imo simbo nâ ikura zo pinde. Andeta i parina nde isala nia ndoni lâ, kala ikura ñana ipavea kâ, ande tia. ²⁵ Aku taine tonje imo nia ñinde, i natu taine nde koroani saka ipagagara lâ. Taine ñinde ilonjo pâri tu Yesu imâ lâ, aku walele nâ imâ papa ku ipare tuku lâ Yesu kie tini laiti. ²⁶ Andeta taine ñinde ñandai Juda taine nga; i nde Grik taine, aku ipânga lâ Fonisia lawea ikeno pa Siria tâno kâ. Taine ñinde ino kaika pa Yesu tu ma isoki koroani saka piti lâ i natu taine ilo.

²⁷ Andeta Yesu isia ñgua papa tu, “Kinzi uru lâlu kapwanzi silanzi lâlu munja lâ nga. Ambo sikai lâlu kapwanzi ku siliñi ilâ panzi mbwâmbwa, ande ñine nde ara tia.” ²⁸ Andeta taine itu lâ Yesu kawa mine tu, “Tamâta ñalae, noko kuporo mao nâ; ambo taitu kinzi mbwâmbwa uru sika kâpwa punu-punu ñinde lâlu sika mbo iyauru indue ngili kulu ñinde.”

²⁹ Ñinenja Yesu ipai taine tu, “Noko kawa ñgua ñinde nde ara ndo. Mine nde kutaulo kulâ. Koroani saka nde ipile noko natu ku ilâ lâ.”

³⁰ Aku taine nde itaulo ilâ luma kilo, aku mata ilâ imora natu ikeno moe kulu, ande koroani saka ipile i ku ilâ lâ.

*Yesu iveta tamâta kapa tonje iporo ñgua kilo
Matai 15:29-31*

³¹ Ninde ilâ lâ, ninennga Yesu imandi ipile Tair lawea, aku ikatona nzâla ilâ pa Saidon lawea ilo. Ipânnga ninde, ninennga indue ilâ pa Galilaya lââ bwalika ngame, aku ilâ ipânnga Dekapolis tâno. ³² Ilâ ipânnga lâ, ninennga kinzi sikai tamâta tonje taña pasâe wa mela-mela duvi kaika lâ, ku sikai simâ pa Yesu. Aku sino papa tu ma itaño tamâta ninde nana iveta i tini ara kilo.

³³ Mine kala Yesu ikai tamâta ninde simbo nâ sipilenzi ngu nhalae ku kinzi rua siyâti silâ. Ninennga Yesu io mbau sili ilâ tamâta ninde taña ilo, aku isupwara veli-veli lâ mbau sili tini, ninennga itaño tamâta mela-mela tona.

³⁴ Ninennga Yesu mata kâki pa samba ku iveta kusu lâ, ninennga iporo tu, “Épata” (ngua ninde nde duvi mine, “Noko kupwa”). ³⁵ Aku ndainani nâ tamâta ninde taña ipwa aku mela-mela duvi pao, kala iporo ngua pwataki.

³⁶ Yesu indi kaika panzi tamâta tu ma sitapâri pa tamâta tonje nana mâsi ninde kâ ndimo. Andeta tia; kinzi situ pâri njine aku isala nia ilâ.

³⁷ Kinzi pinde siloño aku wisinzi motutu, kala siporo tu, “Opopo, i ne vetâña rârâni nde ipânnga ara nâ. Mao nâ, ivetanzi tamâta tañanzi pasâe tu siloño ngua, anga ivetanzi tamâta kapa tu siporo ngua pwataki.”

8

Yesu kâpwa ilanzi tamâne 4,000

Matai 15:32-39

¹ Pa zo ninde tamâta ngu nhalae nde sipasau kilo, andeta kapwanzi nana sika kâ ikeno panzi

tia. Mine kala Yesu isarawanzi ne pâri-tamâta tu simâ kuku, aku ipainzi tu, ² “Naŋa kalonġu sukâŋa ŋalae ŋananzi tamâta ŋgu ŋalae ŋine, ŋana tu kinzi simo kuku naŋa ikura kari ŋato lâ, aku kapwanzi ŋana sika kâ ande sika marumbu lâ. ³ Ambo ma sika tia ku aonzi silâ pa nenzi lawea lawea, ande ma putole ipunzi ku ma patanzi lâ nzâla, ŋana tu kinzi pinde nde soka papa nia malawae simâ.”

⁴ Andeta i ne pâri-tamâta siporo taulo tu, “Anġa kinda ma takai puroŋa lâ nia ndia ŋana tasuanzi tamâta ŋgu ŋalae ŋine, a? Opopo, ŋine nde nia bilimu ma!” ⁵ Andeta Yesu ikasonanzi tu, “Anġa miki nde puroŋa ŋapia ikeno pami.” Ande kinzi siporo taulo tu, “Puroŋa lima kanaŋo rua nâ kala keno pama”.

⁶ Nġineŋga Yesu ipainzi tamâta tu lambunzi ndue sisaŋona tâno kulu. Nġineŋga ikai puroŋa kâki, kawa ndaŋge pa Maro Kindeni, ku ipwataki lâ, nġineŋga ilanzi ne tamâta tu siwae panzi ŋgu. Aku kinzi sikai siwae panzi. ⁷ Anġa kanzi iŋa kiri-kiri pinde kala keno tona. Mine nde Yesu ikai iŋa kala, kawa ndaŋge pa Maro Kindeni, nġineŋga ilanzi ne pâri-tamâta tu siwae panzi tamâta tona. ⁸ Kinzi rârâni sika lee ikuranzi lâ, nġineŋga Yesu ne pâri-tamâta sigona puroŋa wa iŋa katiŋe keno ŋinde lâ ngâmo ŋalae lima kanaŋo rua ilonzi pipi lâ. ⁹ Kinzi tamâne ŋinde nâ kambwanenzi nde ipânġa lâ 4,000. Nġineŋga Yesu ionzi silâ. ¹⁰ Aku walele nâ ikâki wânġa kulu kunzi ne pâri-tamâta, aku simbwaliu silâ papa Dalmanuta tâno kâ.

*Kinzi Parisai pinde sino Yesu tu ma iveta mâsi
kaika tonje simora*

Matai 16:1-4

¹¹ Kinzi Parisai tamâta pinde simâ sipângga lâ, aku siporo sipalelea ngua kuku Yesu. Kinzi situ sikai samâna papa, kala sino tu ma ikai Maro Kindeni ne walo nhalae ku iveta mâsi kaika tonje simora. ¹² Yesu ipasama tu ilo malia, kala iveta kusu lâ. Njineŋga iporo tu, “Nana sâ kê nga kinzi tamâta lâ zo njine sino tu ma simora mâsi kaika tonje, a? Naŋa aporo mao nâ pami, naŋa ma aveta mâsi tonje pami tia ndo.” ¹³ Njineŋga ipilenzi ku ikâki wângga kulu kilo imbwalieu papa lââ bwalika tini pinde.

*Ngua tambirâna nana kinzi Parisai wa Herot
nenzi ngua soki-soki*

Matai 16:5-12

¹⁴ Yesu ne pâri-tamâta kalonzi kapa nana sikai kanzi puroŋa simâ, kala puroŋa taitu nâ ikeno panzi lâ wângga kulu. ¹⁵ Ande Yesu iporo ngua kaika panzi tu, “Miki kapakatona sonde nga. Kapakatona warakami nana kinzi Parisai wa Herot nenzi ‘yisi’.” ¹⁶ Njineŋga kinzi warakanzi siporo imâ naonzi nâ tu, “O, kinda nandai takai puroŋa nga, kala Yesu iporo ngua mine pa kinda.”

¹⁷ Andeta Yesu isama lâ nana nenzi ilo-kalo soki njinde. Mine kala ipainzi tu, “Nana sâ kê anga miki warakami kaporo mine tu, ‘Kinda takai puroŋa tia’, a? Tiambo miki ilomi kalomi tia tâ. Tiambo miki taŋami kaika tâ. ¹⁸ Miki matami keno, andeta kamora njinde pwataki tia, a? Anga taŋami keno, andeta kalonjo ngua tia,

a? Miki kalomi kapa lâ, a? ¹⁹ Munğa, lâ zo ñinde naña apwataki puroña lima awae panzi tamâne 5,000, ande kâpwa katiņe sika tia ñinde nde miki kagona lâ ngâmo ñalae ñapia ilonzi pipi.” Kinzi situ lâ kawa tu, “Ngâmo ñalae saņao kanaņo rua.” ²⁰ Ninenğa Yesu ikasonanzi kilo tu, “Anğa lâ zo ñinde naña apwataki puroña lima kanaņo rua awae panzi tamâne 4,000, ande kâpwa katiņe sika tia ñinde nde miki kagona lâ ngâmo ñalae ñapia ilonzi pipi.” Kinzi siporo kilo tu, “Ngâmo ñalae lima kanaņo rua.” ²¹ Ninenğa Yesu ipainzi kilo tu, “Andeta miki kasama sondo tia yo, a?”

Yesu iveta tamâta tonĝe mata leva-leva imora kilo

²² Kinzi soka silâ lee sipânğa Betsaida lawea, ñinenğa tamâta pinde sikai nenzi tamâta tonĝe mata leva-leva simâ pa Yesu, aku sino papa tu ma itaņo i ñana iveta mata ipânğa ara kilo. ²³ Mine kala Yesu ikai tamâta mata leva-leva ñinde mbalau, ku kinzi rua sipile lawea siyâti silâ pa nia yo. Ninenğa Yesu isupwara veli-veli lâ tamâta ñinde mata, aku io mbau kâki lâ i kulu tava. Ninenğa ikasona tu, “Noko kumora sâ tâ, tiya?”

²⁴ Tamâta ñinde nde mata pareņge ku ipai Yesu tu, “Namoranzi tamâta pinde sitogo kâi mine, soka silâ wa simâ wa.”

²⁵ Ninenğa Yesu io mbau lâ i mata kilo, aku tamâta ñinde mata ara lâ, kala imora pwataki. Ninenğa imora kelekele rârâni ipânğa nia yo.

²⁶ Aku Yesu isupwa i ilâ pa ne luma, aku ipai tu, “Noko ma kutaulo kulâ lawea ilo ndimo.”

Petero itula Yesu kilala pwataki tu i nde Kirisi Matai 16:13-16, Luka 9:18-21

²⁷ Ninennga Yesu ikainzi ne pâri-tamâta simandi silâ pa lawea pinde ikeno Sisaria Pilipai lawea tini laiti. Soka nzâla yo, ande ikasonjanzi tu, “Kinzi tamâta uru siporo situ naŋa nde ea.”

²⁸ Ande sipai tu, “Pinde situ noko nde Yoane Lââ-Liliŋa Tamwata, aŋga pinde nde situ noko nde Iliya, aŋga pinde nde situ noko nde ŋgua-tulâŋa tamâta muŋgâŋa tonje.”

²⁹ Ninennga Yesu ikasonjanzi kilo tu, “Aŋga miki warakami katu naŋa nde ea.” Aku Petero ipai tu, “Noko nde Kirisi, Maro Kindeni ne Pateâŋa Tamâta.” ³⁰ Ninennga Yesu indi kaika panzi tu ma siporo situla i parina pwataki panzi tamâta pinde ndimo.

Yesu itula ŋgua ŋana ne mateŋa wa ne mandija wa

Matai 16:21-23, Luka 9:22

³¹ Ninennga Yesu ipanananzi ne pâri-tamâta tu, “Maro Kindeni ne pateâŋa ikeno tu naŋa Tamâta Natu ma akai nâna ŋalae. Aku kinzi katonâŋa wa patarawâŋa tamâta ŋalanjala wa pananâŋa tamâta ŋana ŋgua tukuŋa kâ wa, ande ma sipu mulinzi pa naŋa, ku ma sipu naŋa pâta amâte. Andeta kari ŋato lâ, ŋinennga Maro Kindeni ma ipaŋo naŋa amandi amo viâŋgu kilo.” ³² Yesu itula ŋgua ŋine pwataki ipâŋga nia yo panzi. Andeta Petero ikai Yesu siyâti silâ pa nia ŋgaŋe, aku ilelea Yesu ŋana i ne ŋgua ŋinde kâ.

³³ Andeta Yesu ipupulia lâ ku mata ilea panzi ne pâri-tamâta, ñinennga imbita Petero, ipai tu, “Sadana, noko pwâwa kulâ malawae! Noko ñandai kuporo ñgua ikura Maro Kindeni ne ilokalo nga; noko pwoka kinzi tamâta nâ nenzi ilokalo muli.”

Kinda ma tapatawa tininda ku toka Yesu muli Matai 16:24-28, Luka 9:23-27

³⁴ Ñinennga Yesu isarawanzi kinzi tamâta tu ma simâ papa i tavanzi ne pâri-tamâta, aku ipainzi tu, “Ambo tamâta tonje ilo tu ipono muli pa naña, ande i ma ipatawa tamwata tini ku ikale ne kâi popole iyoka naña mulingu. ³⁵ Ñana tu tamâta ea ilo ñalae ñana tamwata ne via, ande i ma ikai via mao, ande tia. Annga tamâta ea kalo tawana naña tava kawângu ñgua ñine, kala imora tamwata ne via tu kelekele kaa nâ, ande tamâta ñinde ma imo via ku imo nâ. ³⁶ Miki kalomi ñgere sondo nga; ambo tamâta tonje igona tâno ne kelekele rârâni, ñinennga imâte, ande i ne via mao ikeno ndia, a? ³⁷ Aku i ma ikura tu iko tamwata ne via kilo lâ mbumbu ñapia, a? Tia ndo! ³⁸ Mao nâ, kinzi tamâta uru siveta mâsi potomule wa kiesaka kie-kie. Andeta tamâta ea mai ñana naña tava kawângu ñgua, ande muli naña Tamâta Natu kala ma maingu ñana i mine nâ, lâ zo ñinde naña ma ayoka tava Mama ne walo ñalae amâ kunzi anelo sapâña.”

9

Yesu tini pasinala ipânga kie tonje Matai 17:1-13, Luka 9:28-36

¹ Njineŋga Yesu ipainzi tu, “Naŋa aporo mao nâ pami. Miki pinde kala kamo ŋai ma kamâte tia yo yo, ande ma kamora Maro Kindeni ikai maro panzi tamâta lâ tâno kulu tava walo ŋalae.”

² Kari lima kanaŋo taitu ilâ lâ, njineŋga Yesu ikainzi Petero, ŋga Yamesi, ŋga Yoane, aku sikâki silâ tuu ŋalae tonje kulu. Aku kinzi ŋapa simbonzi nâ simo ndaina. Njineŋga kinzi simora Yesu tini pasinala, aku ipâŋga kie tonje. ³ Aku i ne pasawaŋa tini sinala nia, aku pâne ndo. Tamâta tonje lâ tâno kulu ikura tu iveta pasawaŋa pâne mine tia. ⁴ Njineŋga Ilia ku Mose rua simâ sipâŋga, aku kinzi pâri-tamâta matanzi ilâ simoranzi ŋgua-tulâŋa tamâta muŋgâŋa rua ŋinde siporo kuku Yesu.

⁵ Petero imora mâsi ŋinde, ku ipai Yesu tu, “Pananâŋa, kinda tamo ŋaina, aku ŋine nde ara ndo. Maka iloma tu ma kapa pâla ŋato; noko ne tonje, aŋga Mose ne tonje, aŋga Ilia ne tonje.” ⁶ Kinzi pâri-tamâta nde siruru pâta lâ, kala Petero ilo iroto ŋgua kala ikai iporo nâ.

⁷ Andeta take-take ŋalae tonje ipâŋga ku ituranzi lâ. Aku sarawâŋa tonje iyoka pa take-take ilo imâ mine tu, “Naŋa natuŋgu ara kala ŋine. Naŋa tiniŋgu mwasa papa i. Miki ma katambira taŋami pa i ne ŋgua.” ⁸ Aku walele nâ matanzi ilâ wa imâ wa, andeta simora tamâta tonje tia. Yesu simbo nâ imo kunzi.

⁹ Kinzi sipile tuu, aku soka sindue yo, njineŋga Yesu indi kaika panzi tu, “Miki ma katapâri pa tamâta tonje ŋana mâsi kala muŋga nâ kamora ŋinde ndimo. Andeta muli ŋga, lâ zo

ņinde naņa Tamâta Natu ma amandi lâ matera nianzi amo viânggu kilo, ñineņa katapâri panzi tamâta.” ¹⁰ Aku kinzi sikai űgua ñine kaika. Andeta sipakasoņa warakanzi tu, “űgua ñine iporo tu ma imandi imo via kilo, ande ñinde nde duvi mana.” ¹¹ Mine kala sikasoņa i tu, “Kinzi pananâņa tamâta ñana űgua tukuņa kâ uru situla Iliã parina tu i ma imâ muņa lâ, ñineņa Kirisi ma imâ. űinde nde duvi mana.”

¹² Ande Yesu ipainzi tu, “űgua ñinde nde mao nâ; Iliã imâ muņa ñana iveta kelekele rârâni sondo. Mine nde mana mana űga kinzi űgua-tulâņa tamâta siņgere űgua ikeno lâ pepa tini tu naņa Tamâta Natu ma akai nâna űlae, aku tamâta ma siveta kenzi sakamao pana, a?” ¹³ Taitu kala ñine naņa apaimi tu Iliã nde imâ ipâņa lâ, aku mâsi sakamao rârâni kinzi situ siveta papa i, ande siveta lâ, ikura űgua ñinde kinzi űgua-tulâņa tamâta muņgâņa siņgere ikeno lâ.”

Yesu isoki koroani saka piti lâ tamâta limoa tonje ilo

Matai 17:14-21, Luka 9:37-42

¹⁴ Yesu ikainzi ne pârĩ-tamâta űato ñinde ku sindue silâ lee sipâņa panzi nawalanzi pârĩ-tamâta, ande simora tu tamâta űgu űlae nde sipasau simo kunzi. Aku kinzi pananâņa tamâta ñana űgua tukuņa kâ pinde nde simo sipawa űgua kunzi. ¹⁵ Kinzi tamâta rârâni simora tu Yesu űga imâ lâ, aku walele nâ ilonzi igagatinzi ku simandi sipalilu simâ papa. ¹⁶ Aku Yesu ikasonanzi tu, “Miki kapawa űgua mana kunzi.”

¹⁷ Aku tamâta tonje iporo taulo tu, “Pananâña, naña natunju tamâne tonje koroani saka isae i kawa ku ipagagara lâ, kala naña akai amâ pa noko. ¹⁸ Ikura zo rârâ koroani saka ñinde ikai i kaika, aku itambira indue tâno kulu. Aku kawa maka ipângga ku niño giri lâ, ku tini kaika nâ. Aku naña ano panzi noko ne pâri-tamâta tu ma sisoki koroani saka piti, andeta sikura tia.”

¹⁹ Yesu ilonjo ñgua ñinde ku iporo tu, “Opopo, miki kalomi tawana tia ndo! Naña ma amo ku miki ikura zo ñapia kilo, a? Anğa miki nemi ilokalo soki-soki ma iveta naña ilonju malia ikura zo ñapia kilo, a? Kakai lâlu kamâ pana!” ²⁰ Aku kinzi sikai lâlu ñinde simâ papa. Andeta koroani saka imora Yesu, ku irurua lâlu yâti taulo. Mine kala lâlu pata ndue tâno kulu ku pulia mbwaliu mbwaliu, aku kawa maka ipângga.

²¹ Ninenğa Yesu ikasona tama tu, “I imo mine ikura zo ñapia.” Ande iporo tu, “Mungani, i kirimwata yo, ande koroani saka ipagagara i. ²² Aku zo rârâ koroani saka ñinde itambira i lâ yââ kulu wa lââ ilo wa, itu ma ipu pâta imâte. Ambo noko pwura tu kuvilama, ande kalo sukâña ñanama ku kuvilama.”

²³ Andeta Yesu ipai tu, “Nana sâ kê nga noko kuporo tu, ‘Ambo noko pwura’, a? Ambo tamâta tonje kalo tawana naña, ande vetâña ndia i ilo tu Maro Kindeni ma iveta papa, ande Maro Kindeni ikura tu iveta vetâña ñinde rârâni.”

²⁴ Aku walele nâ lâlu ñinde tama isarâwa tu, “Naña kalonju tawana, ambo taitu nanenju kalo-tawana nde peko mwata nâ. Kuvila naña!”

²⁵ Yesu imoranzi tamâta ngu ñalae tina sipalilu simâ. Mine kala imbita koroani saka ipai tu, “Noko koroani saka ñana kuveta kawa wa taña pasâsâe, naña aporo kaika pano tu kupile lâlu ñine kulâ, aku kutaulo kumâ papa i kilo ndimo!” ²⁶ Aku koroani saka ñinde itara sakamao ku irurua lâlu yâti taulo, ñineŋga ipile i ilâ. Aku lâlu imo itogo mateña mine, kala tamâta râra siporo tu, “Opopo, imâte lâ.” ²⁷ Andeta Yesu ikai i mbau ku igagati imandi sânda lâ, ku imandi.

²⁸ Ñineŋga Yesu ilâ luma ilo, aku ne pâri-tamâta simbonzi nâ simâ papa ku sikasonja tu, “Muŋga maka katogo tu kasoki koroani saka ñinde piti, andeta kurama tia. Ñinde nde duvi mana.” ²⁹ Ande Yesu ipainzi tu, “Noña nâ ma ikura tu isoki koroani saka mine piti. Nzâla tonje ikeno tia.”

Yesu iporo kilo ñana ne mateña wa ne mandija wa

Matai 17:22-23, Luka 9:43-45

³⁰ Kinzi sipile lawea ñinde ku soka silâ sipâŋga Galilaya tâno ñgini. Aku Yesu tini pwâka tu kinzi tamâta ma sisama tu i imo ñinde, ³¹ ñana tu iveta wurâta ñana ipanananzi ne pâri-tamâta. Aku ipainzi tu, “Kinzi ma sio naña Tamâta Natu lâ tamâta pinde mbaunzi ilo, aku ma sipu naña pâta amâte. Andeta kari ñato lâ, ñineŋga Maro Kindeni ma ipaño naña amandi amo viâŋgu kilo.” ³² Andeta kinzi sisama ñgua ñine duvi kilala tia, aku siruru tu sikasonja Yesu tu ma itula ñine pwataki panzi.

*Ea imo mbâna-mbâna**Matai 18:1-5, Luka 9:46-48*

³³ Kinzi soka silâ lee sipânga Kaperneam lawea, aku silâ luma ilo. Nîneŋga Yesu ika-sonŋanzi ne pâri-tamâta mine tu, “Lâ nzâla, ande miki kapawa ŋgua mana.” ³⁴ Andeta kinzi kawanzi buu nâ, mainzi, ŋana tu lâ nzâla kinzi sipawa ŋgua tu ea imo mbâna-mbâna panzi.

³⁵ Mine kala Yesu isaŋona ku isarawanzi ne pâri-tamâta saŋao kanaŋonzi rua tu simâ, aku ipainzi tu, “Ambo tamâta tonŋe itu imo mbâna-mbâna, ande nzâla ikeno mine; i ma imo tamâta rârâni kalonzi, itogo nenzi kuleŋa tamâta mine.”

³⁶ Iporo mine lâ, ŋineŋga ikai lâlu tonŋe ku iŋgunu imandi ŋgininzi. Nîneŋga ikai lâlu kâki isaŋona i kie kulu, ku ipainzi tu, ³⁷ “Ambo tamâta tonŋe kalo tawana naŋa kala iveta kie ara pa lâlu mota tonŋe itogo lâlu ŋai, ande i ma iveta kie ara pa naŋa tava. Aŋga tamâta ea iveta kie ara pa naŋa, ande iveta kie ara pa naŋa nâ tia; iveta kie ara pa Maro Kindeni tona, ina isupwa naŋa kala amâ.”

Tamâta ea ikai kazâŋa pa kinda tia, ande i nde nenda mete

Luka 9:49-50

³⁸ Nîneŋga Yoane ipai Yesu tu, “Pananâŋa, maka muŋga kamora tamâta tonŋe ikai wurâta ŋana ipatu noko ŋa ku isokinzi koroani saka piti lâ tamâta ilonzi. Andeta i ŋandai kinda nawalânda ŋga. Mine kala maka kandi kaika papa tu ma iveta mine kilo ndimo.” ³⁹ Andeta Yesu ipainzi tu, “Miki ma kandi kaika pa tamâta ŋinde ndimo. Kalomi ŋgere sondo ŋga; ambo

tamâta tonje ipatu naŋa nŋngu ku iveta mâsi kaika, ande i ma ikura tu iporo isowe ŋgua saka-mao lâ naŋa tiningu walele, ande tia. ⁴⁰ Nana tu tamâta ea ikai kazâŋa pa kinda tia, ande tamâta ŋinde nde kinda nenda mete. ⁴¹ Naŋa aporo mao nâ pami; ambo tamâta tonje isama tu miki kaponu muli pa naŋa, kala ilo pateu tu ma iveta kie ara pami kala ilinji lââ lâ kâmba ilo ilami, ande muli Maro Kindeni ma kulu ilua tamâta ŋinde.”

Kinda ma tayaula tininda pinde nenzi kalo-tawana ndimo

⁴² “Ambo tamâta tonje ma iyaula i tini pinde ne kalo-tawana kala ipu muli pa naŋa, ande ŋinde nde mâsi sakamao ndo. Ara ŋana kinzi nia ndoyo ma sipa mira ŋalae tonje lâ tamâta ŋinde ŋandola tâ ku ma sitambira indue tâi geza-geza ilo mbo inu tâi mbo imâte tâ. Nana tu ambo kinzi muŋga siveta mine, ande i ma ikura tu iyaula i tini pinde ne kalo-tawana, ande ma tia. ⁴³ Ambo noko mbalau tonje ilaneno kala kuveta kiesaka, ande ara ŋana noko ma kutoto ŋinde piti lâ. Ambo noko mbalau taitu nâ, ande ŋinde nde ara koŋa tia; andeta muli noko ma kumo via ku kumo nâ. Taitu kulonjo ŋga; ambo noko mbalau rua, andeta muli Maro Kindeni ma itambirano kulâ yââ ŋalae ne mbââ ilo, ande ŋinde nde ara tia ndo kanaŋo. Sâ tonje ikura tu ipupu yââ ŋinde ne mela-mela, ande tia. [⁴⁴ Lâ nia ŋinde nde mwâta-mwâta simo tininzi sikanzi, andeta simâte tia. Anŋa yââ ŋinde ma

marumbu tia ndo.] * ⁴⁵ Aku mine nâ, ambo noko kie ilaneno kala kuveta kiesaka, ande ara nana noko ma kutoto ninde piti lâ. Ambo noko kie taitu nâ, ande ninde nde ara koŋa tia; andeta muli noko ma kumo via ku kumo nâ. Taitu kuloŋo nga; ambo noko kie rua, andeta muli Maro Kindeni ma itambirano kulâ yââ nala ne mbââ ilo, ande ninde nde ara tia ndo kanaŋo. [⁴⁶ Lâ nia ninde nde mwâta-mwâta simo tininzi sikanzi, andeta simâte tia. Anŋa yââ ninde ma marumbu tia ndo.] † ⁴⁷ Aku mine nâ, ambo noko mata ilaneno kala kuveta kiesaka, ande ara nana noko ma kupasiki mata ninde piti kutambira lâ. Ambo noko mata taitu nâ, ande ninde nde ara koŋa tia; andeta muli noko ma kumo via ku kumo nâ. Taitu kuloŋo nga; ambo noko mata rua, andeta muli Maro Kindeni ma itambirano kulâ yââ nala ne mbââ ilo, ande ninde nde ara tia ndo kanaŋo. ⁴⁸ Lâ nia ninde nde mwâta-mwâta simo tininzi sikanzi, andeta simâte tia. Anŋa yââ ninde ma marumbu tia ndo. ⁴⁹ Nana tu yââ ma ilâ panzi tamâta rârâni, itogo tâi kinda uru taliŋi lâ kâpwa kulu mwasina.

⁵⁰ Tâi nde kelekele ara. Andeta kalomi ngere sondo nga; ambo tâi ne makisa marumbu lâ, ande vetâŋa tonŋe ikeno nana tamâta ma siveta ne makisa ipânŋa kilo, ande tia. Ara nana tâi

* **9:44** 44 Nia ndoyo, ngua nina kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonŋe ipânŋa lâ muli nde isenŋe ngua nina ilâ kuku ngua ikeno muŋga. † **9:46** 46 Nia ndoyo, ngua nina kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonŋe ipânŋa lâ muli nde isenŋe ngua nina ilâ kuku ngua ikeno muŋga.

ma ikeno nginimi, aku ara nana miki ma kamo ilomi kalomi taitu kunzi nimi-nambwe.”

10

Yesu itula ngua nana pakâenja totoŋa kâ

Matai 5:31-32, 19:1-9; Luka 16:18, Rom 7:1-3, 1 Korin 7:10-16

¹ Yesu imandi ipile Kaperneam lawea, ku iyoka ilâ pa Judia tâno ikeno pa Jodan Lââ tini pinde. Aku tamâta rârà nde simâ sipasau kuku i kilo. Mine kala ipanananzi Maro Kindeni kawa ngua, ikura uru iveta mine.

² Aku kinzi tamâta pinde lâ Parisai ngu nde simâ pa Yesu. Kinzi situ sikai samâŋa papa, kala sikasonja tu, “Ambo tamâta tonge itu isoki kaiwa taine, ande ngua tukuŋa isâu papa tu ma iveta mine, tiya?” ³ Ande Yesu iporo taulo tu, “Anŋa Mose itula ngua tukuŋa mana pami.”

⁴ Kinzi sipai tu, “Mose isâu nana tamâne tu ambo ingere ngua lâ pepa tini nana itoto pakâenja kâ, aku pepa ilua kaiwa taine, ande nenzi pakâenja nde totoŋa lâ.”

⁵ Aku Yesu iporo tu, “Miki nde taŋa-kaika tamwatami. Mine kala Mose ingere tukuŋa ŋinde pami. ⁶ Andeta nia ndoyo, lâ zo ŋinde Maro Kindeni ipulia samba wa tâno wa, ande ‘ipulianzi tamâta ku ionzi taine wa tamâne wa’.

⁷ ‘Mine nde tamâne ma ipilenzi tina-tama ku ma ipasipa kuku kaiwa taine, ⁸ aku kinzi rua ma simo tininzi lâ taitu.’ Mine nde kinzi rua ŋandai simo piti piti ŋga; kinzi rua ma simo togo ilonzi wa karaenzi taitu nâ. ⁹ Mao nâ, Maro Kindeni

ipanzi rua lâ taitu lâ; mine nde tamâta tonje ma itikianzi piti ndimo.”

¹⁰ Yesu iporo ngua ñine lâ, ñinenğa kinzi sitaulo silâ luma ilo. Ande kinzi pâri-tamâta sikasonğa Yesu kilo ñana pakâenğa kâ. ¹¹ Aku ipainzi tu, “Ambo tamâne tonje isoki kaiwa taine ku ikai taine wasaseki tonje, ande tamâta ñinde iveta sakamao kuku kaiwa taine wasaseki ñinde, kala ilaņa ipole ngua tukuņa. ¹² Aku mine nâ, ambo taine tonje ipile kaiwa tamâne ku ikai tamâne wasaseki tonje, ande taine ñinde iveta sakamao kuku kaiwa tamâne wasaseki ñinde, kala ilaņa ipole ngua tukuņa.”

*Yesu itu nzâmbe panzi lâlu kiri-kiri
Matai 19:13-15, Luka 18:15-17*

¹³ Kinzi tamâta pinde sikainzi lâlu kiri-kiri simâ pa Yesu. Kinzi ilonzi tu ma io mbau kâki kulunzi tu ma itu nzâmbe panzi. Andeta kinzi pâri-tamâta sileleanzi. ¹⁴ Yesu imora ñinde, ku ilo kura tia, kala ipainzi ne pâri-tamâta tu, “Miki ma kasâu panzi lâlu kiri-kiri tu simâ pa naņa; kapono nzâla ñananzi ndimo. Ñana tu Maro Kindeni uru ikai maro panzi tamâta ea nenzi kalo-tawana irerege kuku lâlu kiri-kiri ñine nenzi kalo-tawana. ¹⁵ Naņa aporo mao nâ pami; kinzi lâlu kiri-kiri ñine uru ilonzi ndo keno pa naņa. Ambo tamâta tonje ilo keno mine tia, ande i ma ikura tu imo Maro Kindeni ne ngumbi ilo, ande tia ndo.” ¹⁶ Ñinenğa Yesu ikotinzi lâlu lâ kie kulu, ku isuņa mbau itaņo kinzi taitu-taitu kulunzi, ku itu nzâmbe panzi.

Tamâta tonje ne mbaliŋa rârâ

Matai 19:16-30, Luka 18:18-30

¹⁷ Yesu imandi ku iyoka ilâ, andeta tamâta tonje ipalilu imâ, ipare tuku papa ku ikasonja tu, “Pananâŋa ara, naŋa ma aveta mana ŋga ikura tu amo viânggu ku amo nâ.” ¹⁸ Yesu ipai tu, “Nana sâ kê ŋga noko kusarawa naŋa tu ‘ara’, a? Maro Kindeni simbo nâ nde Ara Tamwata. ¹⁹ Noko kusama ŋgua tukuŋa rârâni: ‘Noko ma kupu tamâta pâta ndimo; noko ma kuveta sakamao kuku tamâta tonje kaiwa ndimo; noko ma kupanâwe ndimo; noko ma kusowe ŋgua laŋeŋa lâ tamâta tininzi lâ ŋgua nia ndimo; noko ma pwai laŋeŋa ku pwai tamâta nenzi kelekele saŋenzi ndimo; aku noko ma kumege ŋnanzi tina-tama ku taŋa mwasa nâ panzi’.”

²⁰ Aku tamâta ŋinde ipai Yesu tu, “Pananâŋa, lâ zo ŋinde naŋa lâlu kiri-mwata yo, aku amo lee ikura lâ zo ŋine, ande naŋa uru apaveta kuku ŋgua tukuŋa ŋine rârâni.”

²¹ Yesu mata ilea pa tamâta ŋinde ku tini mwasa papa, kala ipai tu, “Vetâŋa taitu nâ nde noko kuveta tia yo. Noko kulâ, aku kuo ne kelekele rârâni ilâ panzi tamâta tu siko. Njineŋa pwai mbumbu ŋinde aku kulanzi kinzi sugorai tamwatanzi. Ambo noko ma kuveta mine, ande noko ma kumo ara ndo lâ samba lawea. Aku kumâ, kupono muli pa naŋa.”

²² Andeta tamâta ŋinde ilonjo ŋgua ŋine, ku nao mata ipângga sakamao, ku iyoka tava ilo malia nâ ilâ, ŋana tu i nde mbaliŋa warika.

²³ Njineŋa Yesu mata ileanzi ne pâri-tamâta ku ipainzi tu, “Ambo kinzi mbaliŋa warakanzi

situ simo Maro Kindeni ne ngumbi ilo, ande njine nde wurâta njalae panzi.” ²⁴ Aku kinzi pâri-tamâta wisinzi motutu njana i ne njua njine. Andeta Yesu itu njua kilo ku ipainzi tu, “Miki lâlu kiri-kiri, ambo tamâta itu imo Maro Kindeni ne ngumbi ilo, ande njine nde wurâta njalae tina! ²⁵ Mao nâ, ambo njgoa njalae ‘kamel’ itu itambwa ilâ mbiri kiri-mwata ne maa ilo, ande i ma ikura tu iveta mine tia. Aku mine nâ, ambo mbaliņa warika itu imo Maro Kindeni ne ngumbi ilo, ande njine nde wurâta njalae tina.”

²⁶ Kinzi pâri-tamâta nde wisinzi motu pâta, kala sipakasonja warakanzi tu, “Opopo, ambo mine, ande ea ikura tu ikai via mao njana imo ara mine ku imo nâ.” ²⁷ Aku Yesu mata ilea kaika panzi, ku iporo tu, “Kinzi tamâta warakanzi nâ ma sikura tia; anġa Maro Kindeni nde ikura lâ. Mao nâ, Maro Kindeni ikura tu iveta vetanġa rârâni.”

²⁸ Ninenġa Petero ipai Yesu tu, “Ayo, maka munġa kapile nema kelekele ndoni njana kapono muli pa noko!” ²⁹ Ande Yesu iporo tu, “Nanġa aporo mao nâ pami; tamâta ea kinzi ilonzi pa nanġa kala silâ situla pâri ara, ambo sipile nenzi luma wa mota-njala wa mwanenzi wa tinanzi wa tamanzi wa natunzi wa nenzi tâno wa, ³⁰ ande Maro Kindeni ma itu kilo panzi njana njinde kâ mbwani rârâ njinde. Mao nâ, lâ zo njana kinzi simo tâno kulu yo, ande kinzi ma sikai luma rârâ wa mota-njala rârâ wa mwanenzi rârâ wa tinanzi rârâ wa natunzi rârâ wa tâno njalae wa. Andeta njinde nâ tia; kinzi tamâta pinde ma siveta kenzi sakamao ndo panzi tava. Aku lâ zo

muli, ñinenğa kinzi ma sikai via mao, ma simo ara mine ku simo nâ. ³¹ Ande kinzi tamâta rârâ muᅅga simo tamâta ᅅalaᅅala lâ tâno kulu, ande kinzi ᅅinde ma muli simo tamâta kaa nâ. Anğa kinzi tamâta rârâ muᅅga simo tamâta kaa nâ lâ tâno kulu, ande kinzi ᅅinde ma muli simo tamâta ᅅalaᅅala.”

Yesu iporo kilo ᅅana ne mateᅅa wa ne mandija wa
Matai 20:17-19, Luka 18:31-33

³² Yesu ikainzi ne pâri-tamâta ku soka nzâla sikâki silâ pa Jerusalem lawea. Yesu nde imbâmba iyoka imuᅅga panzi. Mine kala kinzi pâri-tamâta ilonzi rârâ, anğa kinzi tamâta soka mulinzi ᅅinde nde siruru. Ñinenğa Yesu ikainzi ne pâri-tamâta saᅅao kanaᅅonzi rua silâ pa nia ᅅgaᅅe kilo, ku iporo panzi ᅅana vetâᅅa rârâ nao laiti ᅅana ipâᅅga papa i kâ. ³³ Ipainzi tu, “Ayo, kala ᅅine kinda takâki talâ pa Jerusalem. Aku tamâta tonᅅe ma io naᅅa Tamâta Natu lâ kinzi patarawâᅅa tamâta ᅅalaᅅala wa pananâᅅa tamâta ᅅana ᅅgua tukuᅅa kâ wa mbaunzi ilo. Aku kinzi ma sio naᅅa lâ ᅅgua nia, ku ma sipa ᅅgua ᅅana sipu naᅅa pâta amâte. Aku muli, ñinenğa ma sio naᅅa alâ kinzi tinikoa mbaunzi ilo. ³⁴ Aku kinzi tinikoa ma siporo ᅅgua pavaligiᅅa pa naᅅa wa sisupwara tiningu wa sipalili naᅅa lâ, ñinenğa ma sipu naᅅa pâta amâte. Andeta kari ᅅato lâ, ñinenğa ma amandi amo viâᅅgu kilo.”

Yamesi ku Yoane rua situ sipânnga tamâta nalanjala

Matai 20:20-28

³⁵ Yesu iporo mine lâ, ninennga Sebedi natu rua Yamesi ku Yoane rua nde simâ papa ku sipai tu, “Pananânga, maka rua katu kakasonjano nana vetânga tonje, aku iloma tu noko ma kuveta mine pama.” ³⁶ Ande Yesu ikasonjanzi tu, “Miki rua ilomi tu nana ma aveta sâ tâ pami.” ³⁷ Aku kinzi rua sipai tu, “Mwanga, lâ zo ninde noko ma kupânnga pwai koipu nalae, ninennga maka rua iloma tu ma kasonjona noko tini laiti, tonje pa mbau wia kê, anja tonje pa mbau nâsi kê.”

³⁸ Andeta Yesu isia ngua ku ipainzi tu, “Miki rua kazizâla nana vetânga nîne kala kakasonja nana nana. Nana ma muli anu lââ makisa ikeno kâmba tonje ilo. Tiambo miki rua kala kakura tu kanu lââ ninde, tiya? Aku miki kakura tu kakai lââ-liliņa ninde nana ma muli akai, tiya?”

³⁹ Aku kinzi rua sipai tu, “Maka rua kurama.” Ninennga Yesu ipainzi tu, “Mao nâ, lââ makisa nana ma anu ninde, ande miki rua kala ma kanu tona. Aku nanenngu lââ-liliņa ninde, ande miki rua kala ma kakai mine nâ. ⁴⁰ Ambo taitu pateanga nana tamâta ea ma isajona tiningu laiti pa mbaungu wia kê nga pa mbaungu nâsi kê, ande ninde ikeno pa nana tia. Maro Kindeni tamwata simbo nâ ma iwae sajonânga nia panzi tamâta ea munga ipateanzi ninde.”

⁴¹ Kinzi nawalanzi pâri-tamâta sajao nde silonjo nîne, kala wisinzi nâna panzi Yamesi ku Yoane rua. ⁴² Andeta Yesu isarawanzi tu simâ, ku ipainzi tu, “Miki kasama tu kinzi tamâta pinde

uru sikai koipu panzi tinikoa ngu, aku kinzi tamâta ñalajala ñinde uru siveta malia kie-kie panzi ngu ñinde. ⁴³ Andeta mâsi mine ma ikeno miki ñginimi ndimo. Ambo tamâta tonje itu imo tamâta ñalae lâ ñginimi, ande nzâla ikeno mine; i ma imo nemi kuleña tamâta. ⁴⁴ Aku tamâta ea itu imo mbâna-mbâna pami, ande nzâla ikeno mine; i ma imo wurâta tamâta kaa nâ panzi tamâta rârâni. ⁴⁵ Ñana tu naña Tamâta Natu ñandai amâ ñana kinzi tamâta ma sikai kuleña pa naña nga. Naña amâ ñana akai kuleña panzi tamâta, aku ma amâte ñana akainzi tamâta rârâ piti lâ kondoma ilo.”

Yesu iveta tamâta tonje mata leva-leva imora nia

Matai 20:29-34, Luka 18:35-43

⁴⁶ Ñineña kinzi silâ sipânga Jeriko lawea. Soka lee, aku laiti ñana sipile Jeriko kâ, aku kinzi pâri-tamâta sitavanzi tamâta ngu ñalae nde soka kuku Yesu silâ. Andeta tamâta tonje, i ña mine Bartimeus, nde isañona nzâla ñgañe. I mata leva-leva, kala uru isarâwa mbumbu wa kelekele panzi tamâta. ⁴⁷ Tamâta ñinde ilonjo ñgua tu Yesu Nasarete tamwata nga iyoka imâ, kala isarâwa kaika tu, “Yesu, Daviti ne vâsa noko, kalo sukâña ñanana!” ⁴⁸ Andeta kinzi tamâta rârâ simbita sipai tu, “Wa, noko kawa buu!” Andeta isarâwa kawa kâki ñalae tu, “Daviti ne vâsa, kalo sukâña ñanana!”

⁴⁹ Aku Yesu imandi ku iporo tu, “Kasarâwa pa tamâta ñinde tu imâ.” Aku kinzi sisarâwa pa tamâta mata leva-leva ñinde ku sipai tu, “Wa,

ilo kaika kumandi sânda nga! Isarâwa pano.”
⁵⁰ Nîneŋga tamâta nînde ikai ne pasawaŋa luandondo piti, ku walele nâ imandi imâ pa Yesu.
⁵¹ Aku Yesu ikasona tu, “Noko ilo tu naŋa ma aveta mana pano.” Aku tamâta mata leva-leva ipai tu, “Pananâŋa, naŋa ilonŋu tu matâŋgu amora nia.”
⁵² Aku Yesu ipai tu, “Noko kulâ. Noko ne kalo-tawana ivetano ara lâ.” Aku walele nâ i mata ara lâ, ku imora nia. Aku iyoka Yesu muli lâ nzâla ilâ.

11

*Yesu ilâ Jerusalem lawea itogo koipu ŋalae
 Matai 21:1-9, Luka 19:28-38, Yoane 12:12-18*

¹ Kinzi silâ sipânŋa Jerusalem lawea tini laiti, aku sipânŋa Betfasi lawea wa Betani lawea wa, lâ Oliv Tuu waŋgira. Aku Yesu isupwanzi ne pâri-tamâta rua, ² ku ipainzi tu, “Miki rua kalâ pa lawea ndai ikeno naomi nînde, aku kalâ lawea nînde ilo. Aku walele nâ miki ma kamora ‘donki’ natu tonŋe kinzi sisine lâ imandi. Tamâta tonŋe muŋga isanona donki nînde kumbu, ande tia. Kayaute wâlo piti, ku kakai kamâ. ³ Ambo tamâta tonŋe ma ikasonami tu, ‘Nana sâ kê nga miki rua kaveta mine, a?’, ande miki ma kapai tu, ‘Maro Ŋalae ne wurâta nde ikeno papa, aku mwanga i ma walele nâ io taulo imâ kilo’.”

⁴ Nîneŋga kinzi rua silâ, aku simora donki natu kinzi muŋga sisine imandi nia yo lâ luma tonŋe ne nzâla tini. Aku kinzi rua siyaute wâlo piti lâ donki tini. ⁵ Andeta tamâta pinde simandi laiti, aku sikasonanzi tu, “Ayo, miki rua kaveta

mana nga kayaute donki natu ninde, a?" ⁶ Aku kinzi siporo ngua taulo panzi ikura Yesu munnga itula panzi mine, aku kinzi tamâta ninde sisâu panzi rua tu sikai donki silâ. ⁷ Ninennga kinzi sikai donki natu ninde simâ pa Yesu. Aku siliŋi nenzi pasawaŋa luandondo kâki donki kumbu, ku Yesu isaŋona kulu. ⁸ Annga kinzi tamâta rârâ nde siŋga nenzi pasawaŋa luandondo lâ nzâla. Annga pinde nde silâ tâno ilo ku sitoto tumba lau ku sikai simâ silalaga lâ nzâla tava, nana Yesu ma iyoka kulu kâ. ⁹ Aku kinzi tamâta pinde nde silâ simunnga panzi, annga pinde nde soka i muli, ande rârâni sindeka sisarâwa tu, "Paneâŋa pa âta! Maro Kindeni itu nzâmbe pa koipu ŋalae nîne ikai i ndamwa kala imâ! ¹⁰ Mao nâ, Maro Kindeni itu nzâmbe pa tamâta nîne kala imâ ikai koipu itogo timbunda Daviti mine! Tapanea Maro Kindeni i âta Tamwata!" ¹¹ Kinzi soka mine lee sipânnga Jerusalem lawea, aku Yesu ilâ Maro Kindeni ne luma sapâŋa ilo ku mata imora ilâ wa imâ wa, ku imora kelekele rârâni keno luma sapâŋa ilo. Andeta kari nga indue pararai lâ. Mine kala Yesu itaulo ilâ pa Betani lawea kunzi ne pâri-tamâta saŋao kanaanzi rua.

Yesu iporo itu kaika papa kâi tonge, kala ngâla-ngâla lâ

Matai 21:18-21

¹² Aku mbwale kilo, ninennga kinzi simandi sip-ile Betani lawea ku soka sitaulo silâ pa Jerusalem kilo, andeta Yesu nde putole ipu. ¹³ I mata ilâ imora kâi 'fik' tonge imandi malawae mwasa, aku lau nani-nani ŋalae ninde, kala ilâ laiti tu

iroto kanaŋo. Aku ilâ papa kâi, andeta imora tu kanaŋo tonje keno tia; lau nâ ikeno, ŋana tu zo ŋana 'fik' tu ipula kanaŋo kâ nde ipâŋga tia yo. ¹⁴ Tia ku Yesu iporo pa kâi ŋinde mine tu, "Noko ma kupula kanaŋo kilo tia ndo!" Aku kinzi pâri-tamâta siloŋo ne ŋgua ŋinde.

Yesu iŋaranzi mbaliŋa warakanzi lâ Maro Kindeni ne luma sapâŋa

Matai 21:12-17, Luka 19:45-48

¹⁵ Kinzi silâ lee sipâŋga Jerusalem lawea. Aku Yesu ilâ pa Maro Kindeni ne luma sapâŋa ku iŋaranzi mbaliŋa warakanzi simo sipako kelekele lâ nia ŋinde. Itili peke lâ kinzi tamâta ŋana sipalulua mbumbu kâ, aŋga itili paŋgi lâ kinzi tamâta siveta wurâta ŋana sipako sii ŋana patarawâŋa kâ tava. ¹⁶ Ŋinenŋa indi kaika panzi tu ma sikai kelekele kie-kie simâ luma sapâŋa ne ŋgumbi ilo ndimo. ¹⁷ Aku ipainzi tu, "Maro Kindeni kawa ŋgua ikeno mine tu,

" 'Nanenŋu luma nde ma kinzi sipatu ŋa tu,
"Kinzi ŋgu ndoni nenzi luma ŋana noŋa kâ' ",

aŋga miki nde kaveta ŋine ipâŋga itogo kinzi nzanzare tamâta nenzi munâŋa nia mine!"

¹⁸ Aku kinzi patarawâŋa tamâta ŋalaŋala ŋga kinzi pananâŋa tamâta ŋana ŋgua tukunja kâ nde siloŋo ŋgua ŋinde, kala siroto nzâla ŋana ma sipu i pâta imâte kâ. Andeta kinzi siruru ŋana i kâ, ŋana tu kinzi tamâta rârâni nde wisinzi motutu ŋana i kawa ŋgua.

¹⁹ Aku kari indue lala lâ, ñinenğa Yesu ikainzi ne pâri-tamâta sipile Jerusalem lawea ku siyâti silâ.

Ambo tamâta tonje kalo tawana mao ku ikai noņa, ande Maro Kindeni ma ipaloņo papa i

²⁰ Aku wurita mboyo, ñinenğa kinzi soka silâ, aku simora kâi ‘fik’ ñinde tu lau tava mburu-mburu ndoni nde ngâla-ngâla marumbu lâ. ²¹ Ñinenğa Petero kalo ñgere ku iporo tu, “Pananâņa, kumora ñga! Nola noko kutu ñgua kaika pa kâi ñine, kala ngâla-ngâla lâ!”

²² Aku Yesu iporo taulo panzi tu, “Miki kao nemi kalo-tawana ilâ pa Maro Kindeni nâ. ²³ Naņa aporo mao nâ pami, ambo tamâta tonje kalo tawana sondo, ku isupwa tuu ñai mine tu, ‘Noko kumandi kupatiki kundue tâi ilo’, ambo tamâta ñinde ilo rua-rua tia, i kalo tawana nâ kala iporo, ande Maro Kindeni ma iveta mâsi ñinde ipâņa, ikura tamâta ñinde iporo mine. ²⁴ Ambo miki kano pa Maro Kindeni, aku kalomi tawana ku kaporo lâ ilomi tu, ‘Mao nâ, i ma iveta ikura nanenĝu noņa mine’, ande mao nâ, i ma iveta mine.

²⁵ Andeta miki kaloņo ñga; lâ zo ñana miki kano pa Maro Kindeni, ambo miki kalomi ñgere ñana vetâņa soki tonje tamâta tonje muņa iveta pami, ambo miki ma kazavaru tamâta ñinde ne soki piti lâ tini, ande miki Tamami imo samba ilo kala ma iveta mine nâ pa miki. [²⁶ Taitu mambo miki kazavaru tamâta ñinde ne soki piti lâ tini tia, ande Tamami imo samba ilo

kala ma izavaru nemi kiesaka piti lâ tinimi tia mine nâ.”] *

Kinzi sikasoŋa Yesu tu ikai ea ndamwa

Matai 21:23-27, Luka 20:1-8

²⁷ Kinzi soka silâ sipâŋga Jerusalem lawea kilo, aku Yesu ilâ Maro Kindeni ne luma sapâŋa ne ŋgumbi ilo. Ninenŋa kinzi patarawâŋa tamâta ŋalajaŋa wa kinzi pananâŋa tamâta ŋana ŋgua tukuŋa kâ wa kinzi katonâŋa, ande simâ papa i. ²⁸ Aku sikasoŋa tu, “Wa, noko pwai ea ndamwa kala kuveta mâsi kie-kie mine, a? Anŋa ea wurâta ŋine ilano, a?”

²⁹ Andeta Yesu ipainzi tu, “Ara, naŋa kala atu akasoŋami kasoŋaŋa tonŋe. Ambo miki ma kaporo ŋgua sondo itaulo imâ, ande naŋa ma aporo pwataki pami ŋana akai ea ndamwa ŋga aveta vetâŋa ŋine.” ³⁰ Ninenŋa ikasoŋanzi tu, “Muŋga, lâ zo ŋinde Yoane Lââ-Liliŋa Tamwata iveta wurâta ŋana ililinsi tamâta, ande ea wurâta ŋinde ilua i. Miki ilomi tu Maro Kindeni wurâta ŋinde ilua i, tiya?, i tamwata nâ ilo patea tu ma iveta. Miki kaporo imâ pa naŋa ŋga!”

³¹ Andeta kinzi siporo ŋgua lâ warakanzi ŋgininzi tu, “Ambo kinda ma taporo taulo tu, ‘Maro Kindeni isupwa Yoane tu iveta wurâta ŋinde’, ande i ma iporo pa kinda tu, ‘Mine kala ŋana sâ kâ ŋga miki ŋandai kalomi tawana Yoane ne ŋgua, a?’ ³² Ambo kinda ma taporo

* **11:26** 26 Nia ndoyo, ŋgua ŋine kala ikeno ŋgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonŋe ipâŋga lâ muli nde isenŋe ŋgua ŋine ilâ kuku ŋgua ikeno muŋga.

taulo tu, ‘Yoane tamwata nâ ilo patea tu ma iveta wurâta ñinde’, ande kinzi tamâta ma wisinzi nâna ñalae pa kinda.” (Kinzi siruru ñananzi tamâta, ñana tu kinzi rârâni situ Yoane nde Maro Kindeni ne ñgua-tulâña tamâta mao.)

³³ Tia ku kinzi siporo ñgua taulo pa Yesu tu, “Maka kasama tia.” Ñinenğa Yesu ipainzi tu, “Ara, naña kala ma aporo ñgua tonje pami tia ñana akai ea ndamwa amâ kala aveta vetâña ñine.”

12

Ñgua tambirâña ñana kinzi tamâta sakamao sikatona tâno waini

Matai 21:33-46, Luka 20:9-19

¹ Aku Yesu iporo ñgua tambirâña panzi mine tu, “Tamâta tonje ipâu tâno waini tonje, aku ipa ñgumbi ñana. Aku iveta wewe lâ tâno ilo itogo kondo ñana sipale waini kanaño tu punu-punu kâ, aku ipa pâla tonje ñana tamâta ma simo ilo sio ñana tâno kâ. Aku tâno nde io lâ tamâta pinde mbaunzi ilo ñana sikatona ku sikai wurâta ñana mbumbu kâ lâ tini. Ñinenğa tâno warika ñinde ilâ pa nia malawae tonje. ² Imo lee, aku zo laiti ñana waini ma ipula kanaño kâ. Ñinenğa isupwa ne wurâta tamâta tonje ilâ pa tâno waini ñinde ñana ikai waini kanaño pinde, ikura munğa sipa ñgua tu ma silua i. ³ Andeta kinzi sikai tâno warika ne wurâta tamâta ñinde kaika ku sipu pâta lâ, aku sio iyoka mbau kaa nâ itaulo ilâ. ⁴ Ñinenğa tâno warika isupwa wurâta tamâta tonje kilo ilâ panzi. Andeta kinzi sipu

i kulu pwataki ku siveta kenzi sakamao papa.
⁵ Ninennga tâno warika isupwa wurâta tamâta tonje kilo, andeta sipu tamâta ninde pâta imâte. Aku isupwanzi wurâta tamâta rârâ kilo mine nâ, andeta kinzi sipunzi rârâni, anga pinde nde sipunzi pâta simâte lâ.

⁶ Isupwanzi ne wurâta tamâta rârâni marumbu lâ. Ninennga tâno warika kalo ngere nana tamâta taitu nâ i nandai isupwa ilâ panzi nga. Ninde nde i natu taituni nâ, aku i ilo ndo keno papa. Mine kala isupwa natu ninde ilâ panzi tamâta uru siveta wurâta lâ tâno waini ilo. I itu mine, 'Kinzi ma simege nana natungu.'

⁷ Andeta kinzi tamâta uru siveta wurâta lâ tâno ninde nde siporo lâ warakanzi ngininzi tu, 'Wa, tamâta ndai ma muli ikai tama ne mbaliņa ndoni. Ayo, nîne ma tapu pâta imâte, ande kinda warakânda ma takai i ne tâno nîne.'

⁸ Siporo ngua nîne lâ, aku marumbu; mbaunzi ilâ sikai natu ninde ku sipu pâta imâte. Anga i karae nde sisia yâti tâno ngame."

⁹ Yesu itambira ngua mine panzi lâ, ninennga ikasonjanzi tu, "Ayo, tâno waini warika ma iveta mana. I ma imâ ku ma izavarunzi tamâta munğa siveta wurâta lâ tâno ninde, ku ma tâno ninde ilanzi tamâta pinde nana sikatona kâ."

¹⁰ Ninennga Yesu ipainzi tamâta nalanala ninde tu, "Tiambo miki nandai kaponu Maro Kindeni ne ngua ikeno lâ pepa tini mine tu,

'Mira nîne kinzi tamâta nana sipa luma kâ situ nde sakamao kala sitambira lâ, ande mirani ndaina ipânğa mira ara nana isuka

luma nḡaṅe kaika kâ. ¹¹ Maro Kindeni tamwata iveta vetâṅa nḡinde ipâṅga lâ, kala kindi tamora nḡinde tu ara pâta kanaṅo’.”

¹² Yesu iporo nḡua nḡine lâ, aku lâ zoni ndaina kinzi tamâta ṅalaṅala situ ma sikale Yesu kaika ku sio lâ luma sakamao ilo, ṅana tu sisama tu Yesu itambira nḡua nḡinde iyoke kinzi warakanzi nâ. Andeta siruru ṅananzi tamâta, kala ṅandai siveta mine nḡa.

Kinzi sikasoṅa Yesu ṅana mbumbu uru silua Koipu Nalae Kaisara

Matai 22:15-22, Luka 20:19-26

¹³ Aku muli, ṅineṅga kinzi tamâta ṅalaṅala sisupwanzi Parisai tamâta pinde sitavanzi Herot ne tamâta pinde simâ pa Yesu. Kinzi ilonzi patea tu ambo i ma iporo nḡua pinde nḡâsi tâ, ande ma sio i ilâ pa nḡua nia. ¹⁴ Kinzi simâ pa Yesu ku sipai tu, “Pananâṅa, maka kasama tu noko nde tamâta ṅana kuporo nḡua mao kâ. Noko uru kuporo nḡua taituni panzi tamâta ṅalaṅala wa kinzi sugorai tamwatanzi wa. Noko nḡua mao nâ uru kupanananzi tamâta ṅana Maro Kindeni ne vetâṅa kâ. Mine kala maka katu kakasoṅano mine: ‘Noko ilo mana; nenda Koipu Nalae Kaisara uru iporo kaika tu kindi ma mbumbu talua. Ayo, Mose ne nḡua tukuṅa isâu tu kindi ma mbumbu talua Kaisara, tiya? Ma tako, tiya?’ ”

¹⁵ Andeta Yesu isama kinzi kilalanzi pwataki tu kinzi nde laṅeṅa tamwatanzi. Mine kala ipainzi tu, “ṅana sâ kâ nḡa miki kakai samâṅa

pa naŋa, a? Kakai mbumbu tonje kamâ ku katula pana.” ¹⁶ Aku kinzi sikai mbumbu tonje simâ. Ninenŋa Yesu ikasonŋanzi tu, “Tai wa ŋoa ŋine kala ikeno mbumbu tini, ande ea ne.” Aku siporo tu, “Kaisara ne.”

¹⁷ Ande Yesu ipainzi tu, “Mine kala Kaisara ne kelekele, ande miki kalua Kaisara. Anŋa Maro Kindeni ne kelekele, ande kalua Maro Kindeni.” Aku kinzi wisinzi motutu ŋana Yesu ne ŋgua ŋinde kâ.

*Kinzi sikasonŋa Yesu ŋananzi tamâta simâte lâ
ŋinenŋa simandi simo vianzi kilo*

Matai 22:23-33, Luka 20:27-40

¹⁸ Ninenŋa kinzi tamâta pinde lâ Sadyusi ŋgu nde simâ pa Yesu. Kinzi ŋgu ŋinde uru kalonzi tawana tu kinzi mateŋa tamâta ma muli simandi simo vianzi kilo, ande tia. Kinzi situ siveta kapa-kapa pa Yesu kala sipai tu, ¹⁹ “Pananâŋa, Mose muŋga iŋgere ŋgua tukuŋa tonje imâ pa kinda mine tu, ‘Ambo tamâta tonje i natu tia ku imâte, ambo i kaiwa taine imo ŋai yo, ande tamâta ŋinde tai ma ikai tua kaiwa, aku kinzi rua ma sipulia lâlu itogo tua kilala mine’.” ²⁰ Siporo ŋgua ŋine lâ, ŋinenŋa sisia ŋgua pa Yesu mine tu, “Ayo, tamâne nzâla-kulu tonje i tai lima kanoŋo taitu simo. Nzâla-kulu ŋinde ikai kaiwa taine tonje, andeta mwanŋa i tamwata imâte lâ, aku i natu tonje tia. ²¹ Mine kala i tai iyoka tua muli ku ikai taine ŋinde itogo kaiwa mine. Andeta i kala natu tia, ku imâte. Ninenŋa i tai kala iveta mine nâ. ²² Siveta mine lee, aku kinzi tai râŋani sikai taine taituni ŋinde, ku kinzi

kala natunzi tia, ku simâte lâ. Aku muli nga taine kala imâte. ²³ Ayo, lâ zo muli, ambo kinzi mateŋa tamâta ma simandi simo vianzi kilo, ande taine ŋinde ma imo ea kaiwa lâ kinzi tai-tua lima kanaanzi rua ŋinde. Noko kusama tu kinzi rârâni muŋga sikai kaiwanzi taitu ŋinde.”

²⁴ Andeta Yesu ipainzi tu, “Opopo, miki kasama Maro Kindeni ne ŋgua ikeno lâ pepa tini, ande tia. Aku miki kazizâla ŋana i ne walo kaika mine nâ. Mine kala miki kaveta ŋgua palanŋa rârâ.

²⁵ Lâ zo ŋana kinzi mateŋa tamâta ma simandi simo vianzi kilo, ande kinzi ma simo sitogonzi aŋelo lâ samba ilo mine, kala ma sipakâe tia.

²⁶ Andeta naŋa atu aporo ŋgua tonŋe pami ŋana kinzi mateŋa tamâta nenzi mandinŋa kâ. Mose muŋga inŋere ŋgua tapârinŋa ŋana kâi kiri-mwata yââ kana, andeta miki ŋandai kapono ŋgua ŋinde nga, a? Lâ tapârinŋa ŋinde Maro Kindeni ipai Mose tu, ‘Naŋa nde Abraham nga Isaka nga Yakopu nenzi Maro Ŋalae’. ²⁷ Ayo, ŋgua ŋinde itula pa kindi tu Maro Kindeni ŋandai kinzi mateŋa tamâta nenzi Maro Ŋalae nga. I imo Maro Ŋalae panzi tamâta simo vianzi ŋinde, ŋana tu lâ i nao kinzi tamâta rârâni simo vianzi nâ. Opopo, miki nemi ilo-kalo nde soki ndo.”

Maro Kindeni ne ŋgua tukuŋa ndia ipolenzi tukuŋa rârâni

Matai 22:34-40, Luka 10:25-37

²⁸ Ŋinenŋa pananâŋa tamâta ŋana ŋgua tukuŋa kâ tonŋe nde kala imâ, aku ilonŋonzi sipawa ŋgua. Iloŋo Yesu iporo ŋgua kanaanŋo nâ

taulo panzi, kala ikasonja Yesu tu, “Ngua tukuja ndia nde ipolenzi tukuja rârâni.”

²⁹ Ande Yesu iporo taulo tu, “Ngua tukuja taitu nde kala njine: ‘Miki Isrel ngu kalonjo! Maro Kindeni nde nenda Maro, aku i simbo nâ nde Maro Njalae. ³⁰ Noko ma tini mwasa ndo pa noko ne Maro Kindeni, aku kuo noko ilo ndoni wa koroani ndoni wa ilo kalo ndoni wa ne walo ndoni ilâ pa i simbo nâ.’ ³¹ Anja ngua tukuja iyoka njinde muli, ande mine: ‘Noko ma tini mwasa panzi tini pinde, itogo noko tini mwasa pa tamwata mine.’ Ngua tukuja tonje nde njalae ku ipolenzi rua njine, ande tia.”

³² Aku pananâja tamâta njinde ipai Yesu tu, “Pananâja, noko kuporo ngua mao. Mao nâ, Maro Kindeni simbo nâ nde Maro Njalae, aku tonje irerege kuku i, nde tia. ³³ Aku kindi ma tininda mwasa ndo papa i lâ ilonda wa nenda ilo-kalo wa nenda walo ndoni wa. Aku kindi ma tininda mwasa panzi tininda pinde itogo tininda mwasa pa warakânda mine. Ambo kindi ma toka tukuja rua njine muli, ande mâsi njine nde ma ara ndo lâ Maro Kindeni nao, ipole patarawâja ndoni kinzi uru simomo lâ yââ, tava patarawâja kie-kie rârâni.”

³⁴ Yesu ilonjo tamâta njinde iporo ngua ara, itogo kinzi ilo-kalo tamâta uru siporo mine. Mine kala ipai tu, “Laiti njana noko ne kalotawana ipânja sonde kâ.” Aku kinzi tamâta rârâni simege njana Yesu, ku ilonzi pateja tu ma sikai samâja mine papa i kilo, ande ma tia.

*Yesu ikasonjansi njana Kirisi kâ
Matai 22:41-46, Luka 20:41-44*

³⁵ Yesu imo Maro Kindeni ne luma sapâña ne ngumbi ilo ku ipanananzi tamâta. Aku ipainzi tu, “Kinzi pananâña tamâta ñana ñgua tukuña kâ uru siporo tu, ‘Kirisi nde timbunda Daviti natu’. Andeta ñgua ñinde nde duvi mana, a?”

³⁶ Ñana tu nanayoni Koroani Sapâña itula ilokalo pa Daviti, kala Daviti tamwata iporo tu, ‘Maro Kindeni itu ñgua pa nanenġu Maro Ñalae mine tu, “Noko kusañona ñai pa mbaunġu wia kâ lee, ikura lâ zo ñinde naña ma aonzi noko ne kazâña tamâta simo noko kalo”.’

³⁷ Ayo, Daviti tamwata ipatu Kirisi ña tu Maro Ñalae. Mine nde mana mana ñga kinzi siporo tu Kirisi nde Daviti ne vâsa nâ, a?” Aku kinzi tamâta ñgu ñalae nde sindeka ñana siloño Yesu ne ñgua.

*Kinzi tamâta ñalanala nenzi vetâña potomule
Matai 23:1-36, Luka 20:45-47*

³⁸ Aku Yesu ipanananzi mine tu, “Miki kapakatona sondo ñana kinzi pananâña tamâta ñana ñgua tukuña kâ nenzi vetâña. Kinzi ilonzi tu sisawa pasawaña luandondo ñana sipasuka warakanzi tininzi kâ, ku soka silâ. Aku ilonzi tu kinzi tamâta ma simege ñananzi ku ma siporo panzi lâ ao ñgini tu, ‘O, tamâta ñalae, kari ara!’” ³⁹ Aku kinzi ilonzi tu sisañona lâ tamâta naonzi lâ luma ñana pasauña kâ ilo, aku ilonzi pa sañonâña nia arara lâ kâña-nuña ñalanala nia tava. ⁴⁰ Kinzi uru sikai lañeña panzi taine mwala, aku sipanawe nenzi luma. Aku kinzi uru sipasuka warakanzi tininzi ku sikai noña luandondo ñana kinzi tamâta ma simoranzi.

Andeta muli, lâ zo ñinde Maro Kindeni ma ipare nia panzi tamâta, ande kinzi ma sikai nâna ñalae tina.”

Sugorai taine tonje io ne patarawâña ilâ pa Maro Kindeni

Luka 21:1-4

⁴¹ Yesu isañona patarawâña nia tini laiti lâ luma sapâña ilo, aku mata ilâ imoranzi tamâta sio mbumbu lâ pinze ilo. Aku kinzi mbaliña warakanzi rârâ nde sio mbumbu rârâ. ⁴² Andeta ñineña sugorai taine mwala tonje imâ ku io mbumbu kiri-kiri rua nâ indue pinze ilo.

⁴³ Ñineña Yesu isarawanzi ne pâri-tamâta tu simâ, aku ipainzi tu, “Naña aporo mao nâ pami; sugorai taine mwala ñine io mbumbu ñalae tina, ipole mbumbu kinzi tamâta rârâni muña sio lâ pinze ilo. ⁴⁴ Nana tu kinzi rârâni nenzi mbumbu rârâ keno panzi, aku sio pinde nâ ilâ pinze ilo. Anğa taine ñine nde imo sugorai ndo, andeta io ne mbumbu ndoni, kala i ne mbumbu tonje ikeno ñana iko kapwa kâ, ande tia.”

13

Yesu itula ñgua ñana Maro Kindeni ne luma sapâña ma zavaruña pwapwataki

Matai 24:3, Luka 21:7

¹ Yesu ipile Maro Kindeni ne luma sapâña ku iyâti ilâ, ñineña i ne pâri-tamâta tonje ipai tu, “Pananâña, kumora mira ñalañala wa luma arara ñai!” ² Andeta Yesu iporo taulo tu, “O, noko kumoranzi luma ñalañala ñine, a? Naña apaino tu kinzi kazâña tamâta ma sipile luma ñine ne

mira tonje ikeno mira tonje kulu tia ndo. Kinzi ma sisapira rârâni iyauru bururu ndue lâ.”

Yesu iporo nana malia kie-kie ma muli ipângga Matai 24:4-14, Luka 21:8-11

³ Yesu ikâki isañona Oliv Tuu kulu. Anja Maro Kindeni ne luma sapâña ikeno pa nao. Njinega Petero, nja Yamesi, nja Yoane, nja Andaria nde simâ papa ku sikasonja tu, ⁴ “Maka katu kasama njine; mâsi njinde ma ipângga lâ zo ndia. Anja mâsi ndia ma ipângga munja nana itula pwataki tu mâsi nalanjala njinde nja nao laiti nana ipângga kê.”

⁵ Njinega Yesu itula ngua pwataki panzi tu, “Miki kapakatona sondo nja. Tia ma tamâta tonje ilanemi. ⁶ Nana tu kinzi tamâta rârâ ma simâ ku sipatu naja nângu, ku ma siporo tu, ‘Najani tamwatângu kala i’, aku ma sikai lajeja panzi tamâta rârâ. ⁷ Aku miki ma kalono paraja nalanjala ne ndunenani imâ laiti, aku ma kalono ngua nana paraja nalanjala pinde ipângga nia malawae tona. Andeta miki ma tinimi ruru ndimo. Njinde ma imâ ipângga, anja zo nalae nana tâno njine ne zo marumbu kê nde ipângga tia yo. ⁸ Kinzi tamâta lâ lawea pinde ma simandi sikai kazâja panzi tamâta lâ lawea pinde, anja ngu pinde ma sikai kazâja panzi ngu pinde. Ogigi ma iririno tâno pinde yâti taulo, aku putole nalae ma ipângga lâ tâno pinde. Mâsi njine rârâni ma ipângga munja, itogo nana uru ipângga panzi taine kâpwa kâpwa ku itula pwataki tu paguguja ne zoni nde imâ ipângga laiti lâ.

⁹ Andeta miki kapakatona warakami sondo ŋga. Ŋana tu kinzi ma sikaimi kaika ku siomi lâ ŋgua nia, ku ma sipalilimi lâ luma ŋana pasauŋa kâ ilo. Aku ma siŋgunumi kamandi lâ kinzi koipu ŋalaŋala wa tamâta mbâna-mbâna wa naonzi, ŋana tu miki nemi kalo-tawana ikeno pa naŋa. Andeta vetâŋa ŋinde nde itogo nemi nzâla ŋana kaporo katula pâri ara panzi tamâta ŋalaŋala ŋinde. ¹⁰ Andeta Maro Kindeni ne pateâŋa ikeno tu kinzi tamâta pinde ma silâ situla pâri ara panzi tamâta simo tâno ndoni muŋga lâ ŋga, kala kinzi tamâta rârâni ma siloŋo. ¹¹ Aku lâ zo ŋana kinzi ma sipa miki kaika ŋana siomi kalâ pa ŋgua nia, ande miki ma karuru ndimo, aku kalomi loko ŋana ŋgua ndia miki ma kaporo taulo panzi, mine ndimo. Ŋana tu Maro Kindeni ma itula ŋgua pami lâ zo ndainani nâ ŋana kaporo yâti. Mine nde ŋandai miki warakami nâ ma kaporo ŋga; Koroani Sapâŋa ma itula ŋgua pwataki lâ kawami.

¹² Pa zo ŋinde kinzi tamâta ma sionzi ninzi-nambwe silâ kazâŋa tamâta mbaunzi ilo, ŋana ma sipunzi pâta simâte kâ. Aku kinzi tamâne kala ma siveta mine nâ panzi natunzi. Aku kinzi lâlu kala ma sikai kazâŋa panzi tinanzi tamanzi mine nâ, ku ma sionzi silâ kazâŋa tamâta mbaunzi ilo ŋana sipunzi pâta simâte kâ. ¹³ Mao nâ, kinzi tamâta rârâni ma wisinzi nâna ŋalae tina pami, ŋana tu nemi kalo-tawana ikeno pa naŋa. Anŋa tamâta ea imandi kaika lee zo sakamao ŋinde marumbu lâ, ande Maro Kindeni ma via mao ilua i, ma imo via mine ku imo nâ.”

Vetâŋa sakamao ŋalae tina ma ipâŋga
Matai 24:15-28

¹⁴ Aku Yesu ipainzi ne pâri-tamâta tu, “Miki ma kamora vetâŋa sakamao ndo ipâŋga iveta muso ŋalae lâ nia ŋinde tuŋa kaika ikeno ŋana.” (Noko tamâta ea kupono ŋgua ŋine, ande kalo ŋgere sondo ŋana kusama duvi kê.) “Pa zo ŋinde, ara ŋana kinzi tamâta simo Judia tâno ŋinde ma sikâwa silâ pa nia tuu. ¹⁵ Ambo toŋge imo ne luma mende kulu, ande ara ŋana i ma indue ku ikâwa nâ ilâ; i ma ilâ luma ilo ŋana ikai ne kelekele toŋge ndimo. ¹⁶ Ambo toŋge imo ne tâno ilo, ande i ma itaulo ilâ luma ilo ŋana ikai ne pasawaŋa luandondo ndimo. ¹⁷ Opopo, lâ zo ŋinde kalo-sukâŋa ŋalae tina ma ilâ panzi taine kâpwa kâpwa wa kinzi taine ŋinde natunzi simo suu tini yo. ¹⁸ Ara ŋana miki ma kano kaika tu mâsi ŋinde ma ipâŋga lâ mâo ne zo tia. ¹⁹ Lâ zo ŋinde, malia ŋalae tina ma ipâŋga. Nia ndoyo, lâ zo ŋinde Maro Kindeni ipulia samba wa tâno wa kelekele rârâni sipâŋga lâ, aku imâ lee ipâŋga lâ zo ŋine, ande malia kie-kie mine muŋga ipâŋga tia ndo. Aku muli kala malia kie-kie mine ma ipâŋga kilo, nde tia. ²⁰ Ambo Maro Kindeni ma io zo luandondo ŋana malia kie-kie ŋinde, ande kinzi tamâta rârâni ma sipamateteu marumbu lâ. Andeta i ilo ndo keno panzi tamâta muŋga ipateanzi ŋinde, kala ma io zo ŋinde mbuku taitu nâ. ²¹ Pa zo ŋinde, ambo tamâta toŋge ipaimi tu, ‘Kamora ŋa, Kirisi imo ŋai’, tâku ‘Imo ndai’, ande miki ma kalomi tawana ŋgua ŋinde ndimo. ²² Ŋana tu lâ zo ŋinde, kinzi ‘Kirisi’ laŋeŋa rârâ anŋa ŋgua-tulâŋa tamâta

lanjeŋa rârâ ma sipânŋa, ku ma siveta mâsi kie-kie pinde sitogo tu silanjenzi ku siyaulanzi tamâta nŋinde Maro Kindeni muŋga ipateanzi nŋinde. Andeta kinzi ma sikura tia. ²³ Naŋa aporo atula vetâŋa nŋine pwataki pami lâ, aku mao kanaŋo, vetâŋa mine ma muli ipânŋa. Mine nde miki kapakatona sondo nŋa.”

Mâsi rârâni nŋinde ma marumbu lâ, nŋinenga Yesu ma imâ ipânŋa

Matai 24:29-31, Luka 21:25-28

²⁴ Nŋinenga Yesu iporo kilo tu, “Mâsi wa malia ŋalae tina nŋinde ma ipânŋa marumbu lâ, nŋinenga

’kari mata ma ipânŋa naŋa, aŋga nzimona ma ipane nia kilo tia. ²⁵ Aŋga pitu ma simbe piti lâ samba tini, aŋga samba ne singâra kaika rârâni ma silâ wa simâ wa.’

²⁶ Nŋinenga kinzi tamâta ma simora naŋa Tamâta Natu amo take-take tonje nŋini amâ tava walo ŋalae, aku ma simora naŋa kilalânŋu pwataki tu naŋa nde Maro Ŋalae. ²⁷ Lâ zo nŋinde naŋa ma aonzi nanenŋu aŋelo silâ sigonanzi nanenŋu tamâta rârâni muŋga apateanzi nŋinde. Mao nâ, kinzi aŋelo ma silâ sikura nia ndoni lâ tâno kulu ŋana sigonanzi nanenŋu tamâta nŋinde.

Ŋgua tambirâŋa ŋana kâi pâla-pâla itula zo

Matai 24:32-33, Luka 21:29-31

²⁸ “Miki kalomi nŋere ŋana kâi pâla-pâla kâ, ŋana tu nŋinde ma isukami ŋana kasama nanenŋu nŋua nŋine duvi. Lâ zo ŋana kâi pâla-pâla irumba ku lau wasaseki ipânŋa, ande miki kasama tu kari ne zo nŋa imâ ipânŋa laiti lâ.

²⁹ Aku mine nâ, ambo miki ma kamora mâsi ñinde rârâni ipânga lâ, ñineᅇga ma kasama tu tâno ñine ne zo nga laiti ᅇana marumbu kâ. ³⁰ Naᅇa aporo mao nâ pami; kinzi tamâta simo lâ zo ñine ma simâte tia yo, ñineᅇga mâsi ñinde rârâni ma imâ ipânga lâ. ³¹ Mao nâ, samba wa tâno wa ma marumbu lâ, aᅇga naᅇa kawâᅇgu ᅇgua nde ma marumbu tia ndo, ma ikeno mine ku imo nâ.”

Maro Kindeni simbo nâ isama Yesu ne zo ᅇana itaulo imâ kilo kâ

Matai 24:36-51

³² Ñineᅇga Yesu iporo tu, “Tamâta tonᅇe isama zo ndia wa kari tai ᅇapia naᅇa ma ataulo amâ kilo, ande tia. Kinzi aᅇelo lâ samba ilo sisama ñine tia, aku naᅇa Maro Kindeni Natu tamwatâᅇgu kala asama ñine tia. Mama simbo nâ isama. ³³ Mine nde kapakatona sondo ᅇga, ᅇana tu miki kasama nanᅇgu zo ᅇana ataulo amâ kilo kâ, ande tia. ³⁴ Ñinde itogo tamâta ᅇalae tonᅇe ipile ne luma ku iyoka ilâ pa nia tonᅇe. Aku ipainzi ne wurâta tamâta tu ma sikatona i ne kelekele sondo, ñineᅇga iwae wurâta panzi taitu-taitu. Aku ipai tamâta uru ikatona luma ne nzâla ñinde tu ma io tini sondo ndo.

³⁵ Mine nde miki kala kao tinimi sondo ndo, ᅇana tu miki kasama ᅇana zo ndia luma warika ma itaulo imâ kilo, ande tia. Tiambo i ma itaulo imâ lâ lala tâku mbo ᅇgini-ᅇgini tâku mbwale mbwale kâ tâku mbwale pwataki tâ; ande miki kasama tia. ³⁶ Mine nde kao tinimi sondo ku kamo nâ. Tia ma i imâ walele nâ, aku ma imora

tu miki kakeno. ³⁷ Ngua ñine naña aporo pa miki, ande kala aporo panzi tamâta rârâni mine nâ tu, 'Miki ma kao tinimi sondo ku kamo nâ'."

14

Kinzi tamâta ñalanala sipa ñgua tu ma sipu Yesu pâta imâte

Matai 26:2-5, Luka 22:1-2

¹ Ma wurita lâ mbwale mauru, ñinennga Juda nenzi zo sapâña ñana sika puroña ne yisi tia ma ipânga. Kinzi sipatu kumbwa ñinde ña tu Pasova. Aku kinzi patarawâña tamâta ñalanala ñga kinzi pananâña tamâta ñana ñgua tukuña kâ nde siporo tu, "Kinda ma taveta mana ñga ma talañe Yesu ku takai kaika tapu pâta imâte."

² Andeta kinzi siporo tu, "Kinda ma taveta ñinde lâ zo sapâña tia. Tia ma kinzi tamâta wisinzi nâna ku siñgoloa paraña, ku ma sipara potomule."

Taine tonje ipaliñi samimi lâ Yesu kulu

Matai 26:6-13, Yoane 12:1-8

³ Yesu imandi ilâ pa Betani lawea, aku imo Saimon ne luma ilo. Saimon nde tamâta tonje munğa ikai pukonja tini saga-saga, andeta ñinennga tini mbâra-mbâra kilo. Yesu isañona peke tini tu ma ika kâ, andeta taine tonje ikai ne mira belo ara tonje, samimi kuwae ara pâta ikeno ilo, ku ikai imâ pa Yesu. Samimi ñinde nde kulu ñalae tina. Aku taine ipu belo samimi ñinde kawa pwataki, ku ipaliñi samimi lâ Yesu kulu.

⁴ Taitu kinzi tamâta pinde simora ñinde ku ilonzi kura tia ndo. Kinzi siporo pa warakanzi tu, “Opopo, ñana sâ kâ nga ipaliñi samimi ñine iyaula kaa nâ, a? ⁵ Ambo kinda muᅅga takai samimi ñinde talanzi tamâta tu siko tâ, ande kinda ma takura tu takai kulu ñalae ñinde, aku mbumbu ñinde ma talanzi sugorai tamwatanzi. Andeta tia.” Aku simbita taine ñinde pâta.

⁶ Andeta Yesu ipainzi tu, “Ñana sâ kâ nga miki kaveta malia pa taine ñine, a? Iveta mâsi ara ndo pa naᅅa. ⁷ Ñana tu kinzi sugorai tamâta ma simo kumi ikura zo zo. Mine kala lâ zo ndia miki katu kasukanzi, ande kasukanzi. Anᅅa naᅅa ma amo soᅅgo kuku miki, ande tia. ⁸ Vetâᅅa kala taine ikura tu iveta, ande iveta lâ. Ipaliñi samimi lâ naᅅa karaᅅᅅu ñana iveta sondo ñana alâ pa kuru nia kâ. ⁹ Naᅅa aporo mao nâ pami; lâ tâno ndia muli mbo kinzi ma situla pâri ara ñana naᅅa kâ, ande kinzi ma situla vetâᅅa taine ñine iveta ñinde tona, ñana kinzi tamâta ma kalonzi ᅅgere ñana i wa.”

Judas ipa ᅅgua tu ma io Yesu lâ kinzi patarawâᅅa tamâta mbaunzi ilo

Matai 26:14-16, Luka 22:3-6

¹⁰ Ñineᅅga kinzi pâri-tamâta saᅅao kanaanonzi rua nawalanzi tonᅅe, i ᅅa tu Judas Iskariot, ande ilâ panzi patarawâᅅa tamâta ᅅalaᅅala. I itu ma ikai kulu-pâᅅᅅa ñana Yesu kâ panzi. ¹¹ Kinzi siloᅅo ᅅgua ñine ku sindeka pâta, ñineᅅga sipa ᅅgua kaika ñana mbumbu pinde ma silua i. Ñineᅅga Judas ilâ ku iroto nzâla tonᅅe ñana ma io Yesu lâ mbaunzi ilo.

*Yesu ika kâŋa-nuŋa kunzi ne pâri-tamâta
Matai 26:17-24, Luka 22:7-14,21-23, Yoane
13:18-19*

¹² Ninenŋa zo sapâŋa ŋana sika puroŋa ne yisi tia kâ nde imâ ipânŋa lâ. Lâ zo ŋalae ŋinde, kinzi Juda tamâta uru sipunzi lama natunzi pâta simâte, ŋinenŋa sika. Njine nde ŋana iveta kinzi kalonzi ŋgere ŋana kumbwa Pasova ne duvi kâ. Aku Yesu ne pâri-tamâta sikasonŋa i tu, “Noko ilo tu maka ma kalâ kaveta kâŋa-nuŋa lâ nia ndia ŋana ma taka.”

¹³ Aku Yesu isupwanzi ne pâri-tamâta rua tu silâ, ku ipainzi tu, “Miki rua kalâ lawea ŋalae ilo, aku ma kapakâtu kuku tamâta tonŋe lâ nzâla, ikale lââ lâ kulo ŋalae tonŋe. Miki rua koka i muli. ¹⁴ I ma ilâ luma tonŋe ilo. Njinenŋa miki ma kaporo pa luma ŋinde warika tu, ‘Pananâŋa ne kasonâŋa nde ikeno mine; “Luma ilo kisiŋa pwataki tonŋe nde keno ndia ŋana ma aka kumbwa njine ne kâŋa-nuŋa kunzi nanenŋu pâri-tamâta ŋai.’ ” ¹⁵ Njinenŋa i ma itula luma ilo kisiŋa pwataki tonŋe ikeno âta pami, peke tava kelekele ŋana kâŋa-nuŋa kâ nde ikeno ŋinde. Miki rua kalâ kaveta kâpwa pa kinda lâ niani ndaina.”

¹⁶ Aku kinzi rua silâ lawea ŋalae ilo, aku simora kelekele rârâni ikeno itogo muŋga Yesu iporo panzi mine. Mine kala siveta kâŋa-nuŋa lâ ŋinde.

¹⁷ Kari indue lala pararai lâ, njinenŋa Yesu ikainzi ne pâri-tamâta saŋao kanaanzi rua ku silâ sipânŋa luma ŋinde. ¹⁸ Kinzi nde sisaŋona sika yo, ande Yesu ipainzi tu, “Naŋa aporo

mao nâ pami; tamâta tonje lâ miki nginimi ma io naŋa lâ kinzi kazâŋa tamâta mbaunzi ilo. Ande kala tamâta ñine ika kuku naŋa.”

¹⁹ Kinzi pâri-tamâta nde siloŋo ñgua ñine ku ilonzi malia ndo, ku kinzi taitu-taitu sikasoŋa Yesu tu, “Tiambo noko kuporo ñana naŋa kâ, tiya?”

²⁰ Ande Yesu ipainzi tu, “I nde tonje lâ miki saŋao kanaŋomi rua. Ande kala tamâta ñine io mbau lâ kondo ilo kuku naŋa, kala maka rua kaka. ²¹ Mao nâ, naŋa Tamâta Natu ma amâte, ikura Maro Kindeni kawa ñgua kinzi ñgua-tulâŋa tamâta muŋga siŋgere lâ pepa tini mine. Andeta vetâŋa sakamao ndo ma ipâŋga pa tamâta ñine io Tamâta Natu lâ kinzi kazâŋa tamâta mbaunzi ilo. Ambo nia ndoyo tamâta ñine tina ipagugua i tia tâ, ande ñinde ma ara.”

Yesu waiŋa ilanzi ne pâri-tamâta

*Matai 26:26-29, Luka 22:17-20, Yoane 13:12-30,
1 Korin 11:23-26*

²² Kinzi sisaŋona sika yo, ñineŋga Yesu ikai puroŋa, kawa ndaŋge pa Maro Kindeni, aku ipwataki ilanzi ne pâri-tamâta. Aku iporo tu, “Miki kakai kaka. Naŋa kanaŋoŋgu kala ñine.”

²³ Ñineŋga ikai kâmba waini kala mine nâ, kawa ndaŋge pa Maro Kindeni, ku ilanzi, aku rârâni sinu waini lâ kâmba ñinde. ²⁴ Aku ipainzi tu, “Naŋa seenŋu kala ñine. Ñine nde Maro Kindeni ne ñgua pâŋa ne kanaŋo. Naŋa apaliŋi ñananzi tamâta rârâ. ²⁵ Naŋa aporo mao nâ pami; naŋa ma anu waini kanaŋo kilo tia lee, ikura lâ zo ñinde Maro Kindeni ma ikai Maro

panzi tamâta lâ tâno kulu. Njinenğa ma anu waini waseki.”

²⁶ Yesu iporo ɲgua ɲine lâ, ɲinenğa siwâŋgi wâŋgiɲa tonje, aku simandi sipile lawea ɲinde ku silâ pa Oliv Tuu.

Yesu iporo tu Petero ma ipatimoa i

Matai 26:30-35, Luka 22:31-34, Yoane 13:36-38

²⁷ Njinenğa Yesu ipainzi ne pâri-tamâta tu, “Miki rârâni nemi kalo-tawana ma imbe, ikura Maro Kindeni kawa ɲgua ikeno lâ pepa tini mine tu,

‘Naɲa ma apu lama nenzi katonâɲa, ande kala kinzi lama ma sikâwa pwapwataki silâ.’

²⁸ Andeta muli, Maro Kindeni ma ipaɲo naɲa amandi amo viâŋgu kilo, ɲinenğa ma ayoka amuŋga pami alâ Galilaya tâno.” ²⁹ Andeta Petero ipai tu, “Ambo kinzi tamâta ɲine rârâni nenzi kalo-tawana ma imbe, ande nanenğu kalo-tawana ma imbe tia ndo!”

³⁰ Andeta Yesu ipai Petero tu, “Naɲa aporo mao nâ pano; ma ɲine mbo nâ, tatareko ma isuɲa kawa mbwani rua tia yo, ande noko tamwata ma kuporo kupatimoa naɲa mbwani ɲato tu noko kusama naɲa tia.” ³¹ Andeta Petero iporo kaika kilo tu, “Ambo kinzi situ sipu naɲa pâta amâte kuku noko, ande naɲa ma aporo apatimoa noko mine tia ku tia ndo!” Aku kinzi pâri-tamâta rârâni kala siporo ɲgua kaɲa taituni mine nâ.

Yesu ikai noɲa lâ Getsemani tâno ilo

Matai 26:36-46, Luka 22:39-46, Yoane 18:1

³² Njineŋga kinzi silâ sipâŋga tâno tonje, i ŋa mine Getsemani. Aku Yesu ipainzi ne pâri-tamâta tu, “Miki kasaŋona kamo ŋai, mbo naŋa alâ akai noŋa ŋga”. ³³ Aku ikainzi Petero, ŋga Yamesi, ŋga Yoane, aku kinzi ŋato silâ kuku i. Njineŋga Yesu ilo putuka wa ilo malia ndo. ³⁴ Aku ipainzi tu, “Naŋa kalonju sukâŋa ŋalae tina, aku laiti ŋana iyaula naŋa ndo. Mine nde miki kamo ŋine ku kaka mâsa.”

³⁵ Njineŋga ilâ tini, aku ikeno nao tundu lâ tâno kulu, ku ino pa Maro Kindeni ŋana nâna ŋalae ŋinde laiti ŋana ipâŋga papa i kâ, tu ma injeŋge ŋana i kâ. ³⁶ Yesu ikai noŋa mine tu, “O, Mama! Noko pwura ŋana kuveta vetâŋa rârâni. Mine kala naŋa atu noko ma pwai kâmba ŋana nâna kâ ŋine saŋe naŋa. Ambo taitu noko ma kuveta ikura nanenju pateâŋa mine ndimo. Kuveta ikura noko tamwata nâ ne pateâŋa.”

³⁷ Njineŋga Yesu itaulo ilâ panzi ne pâri-tamâta kilo, andeta sikeno. Aku ipaŋonzi ku ipai Petero tu, “Saimon, noko pweno, a? Mana mana ŋga noko pwura tia ŋana kuka mâsa ikura kari tai taitu nâ, a? ³⁸ Ara ŋana miki ma kao tinimi, ku kano pa Maro Kindeni tu ma isukami ŋana kamandi kaika lâ zo ndia samâŋa imâ ipâŋga pami. Mao nâ, miki ilomi tu kaveta vetâŋa ara, aŋga karaemi nde iveta malia pami.”

³⁹ Njineŋga Yesu ipilenzi ku itaulo ilâ ikai noŋa kilo. Aku lâ i ne noŋa ŋinde, ande iporo ŋgua rege-rege kuku ne noŋa muŋgâŋa ŋinde. ⁴⁰ Ikai noŋa lâ, njineŋga itaulo ilâ panzi ne pâri-tamâta kilo, andeta imoranzi sikeno nâ simo, ŋana tu

matanzi matutu pâta. Kinzi simandi sânda, andeta mainzi, kala siporo ngua tonje pa Yesu tia.

⁴¹ Tia ku Yesu itaulo ilâ ikai noŋa kilo, ŋinenŋa itaulo imâ panzi ne pâri-tamâta ku ipainzi tu, “Opopo, miki kakeno kamo ŋai yo kapwarea, a? Kura lâ! Zo ŋga ipânŋa lâ. Kamora ŋga; kala ŋine kinzi simâ ŋana sio naŋa Tamâta Natu lâ kinzi kiesaka tamwatanzi mbaunzi ilo. ⁴² Ayo, kamandi sânda, ku toka talâ panzi! Kamora ŋga, tamâta ŋana ikai kulu-pânŋa ŋana naŋa kâ, ande kala imâ ipânŋa laiti lâ.”

Judas Iskariot io Yesu lâ kinzi kazâŋa tamâta mbaunzi ilo

Matai 26:47-56, Luka 22:47-53, Yoane 18:2-11

⁴³ Yesu iporo ngua ŋine yo, aku walele nâ Judas, ina tonje lâ Yesu ne pâri-tamâta saŋao kanaŋonzi rua, ande imâ ipânŋa lâ. Aku tamâta ŋu ŋalae tina nde sikai pila ŋana kazâŋa kâ wa kâi mbuku wa soka kuku simâ. Kinzi patarawâŋa tamâta ŋalanjala, aŋga kinzi pananâŋa tamâta ŋana ngua tukuŋa kâ, aŋga kinzi ŋu nenzi katonâŋa, ande kinzi ŋinde muŋga sisupwanzi kala simâ.

⁴⁴ Ande kulu-pânŋa tamâta ŋinde muŋga ipainzi tu i ma iveta mâsi tonje pa Yesu. Ipainzi tu, “Naŋa ma anzumwa tamâta tonje nao, aku tamâta ŋinde nde Yesuni. Miki ma kakai i kaika ku kakatona sondu nâ kakai kalâ.” ⁴⁵ Mine kala Judas iyoka imâ pa Yesu ku walele nâ iporo tu, “Pananâŋa!”, ku inzumwa i nao. ⁴⁶ ŋinenŋa kinzi kazâŋa tamâta pinde mbaunzi ilâ sikai Yesu kaika lâ. ⁴⁷ Andeta Yesu ne pâri-tamâta

tonje nde imandi laiti, ku mbau nâ ipasu ne pila yâti ku ipu patarawâña tamâta ñalae ne wurâta tamâta tonje. Aku pila isalu taña motu piti imbe ndue tâno kulu.

⁴⁸ Aku Yesu ipainzi tu, “Ñana sâ kê nga miki kakai pila ñalañala tava kêi mbuku kamâ pa naña, a? Tiambo miki katu naña nde panawe tamwatângu, a? ⁴⁹ Ikura zo zo naña uru asañona kumi lâ Maro Kindeni ne luma sapâña ilo, ku amo apananami, andeta miki ñandai kakai naña kaika lâ zo ñinde nga. Andeta ara, ñgua ñinde kinzi ñgua-tulâña tamâta muñgâña singere lâ pepa tini, kala ñine ipânga kanaño lâ.” ⁵⁰ Yesu iporo ñgua mine lâ, ñine nga i ne pâri-tamâta rârâni sipile i ku sikâwa silâ.

Tamâta limoa tonje ikâwa

⁵¹ Pa zo ñinde tamâta limoa tonje imo kuku Yesu, ande i ipita lalava pâne tonje lâ kambwane. Andeta kinzi kazâña tamâta sikai i kaika, ⁵² andeta iyaute lalava pâne ñinde piti lâ kambwane, ku ikâwa wulo-wulo nâ ilâ.

Kinzi sio Yesu ilâ pa ñgua nia

Matai 26:57-68, Yoane 18:12-14,19-24

⁵³ Ñine nga kinzi kazâña tamâta sikai Yesu silâ pa patarawâña tamâta nenzi tamâta ñalae. Aku kinzi patarawâña tamâta ñalañala rârâni wa kinzi ñgu nenzi katonâña wa kinzi pananâña tamâta ñana ñgua tukuña kê wa, kinzi ñinde rârâni nde sipasau lâ simo taitu. ⁵⁴ Anja Petero nde iyoka mulinzi ilâ, ku imo malawae mwasa. Iyoka ilâ patarawâña tamâta ñalae ne ñgumbi

ilo, ku isañona kunzi sambara tamâta imwai yââ.

⁵⁵ Aku kinzi patarawâña tamâta ñalañala sitavanzi kinzi tamâta mbâna-mbâna rârâni nde sisarawanzi tamâta pinde simâ tu ma situla ñgua ñana Yesu ne vetâña kâ. Kinzi ilonzi tu ma sisânda vetâña soki ndia Yesu muñga iveta tâ, ñana ikura tu ma sipu i pâta imâte. Andeta kinzi ñandai sisânda i ne vetâña soki tonje ñga.

⁵⁶ Ñana tu kinzi tamâta rârâ sisowe ñgua lañeña kie-kie lâ Yesu tini, andeta nenzi ñgua ndoni ñandai kaña taitu ñga. ⁵⁷ Ñinenña tamâta pinde simandi ku sisowe ñgua lañeña pinde lâ Yesu tini tu, ⁵⁸ “Maka muñga kaloño i iporo mine tu, ‘Naña warakâñgu ma asapira Maro Kindeni ne luma sapâña ñine muñga kinzi tamâta sipa lâ mbaunzi. Aña lâ kari ñato nâ ma añgunu luma wasaseki tonje kâki kilo. Andeta luma wasaseki ñinde ñandai kelekele kinzi tamâta sipa lâ mbaunzi ñga’.” ⁵⁹ Andeta ñgua kinzi siô yâti ñinde ipâña kaña taitu tia, ipâña potomule nâ.

⁶⁰ Ñinenña patarawâña tamâta nenzi tamâta ñalae imandi ñgininzi ku ikasoña Yesu mine tu, “Wa, noko tini pwâka tu kuporo ñgua tonje taulo panzi, a? Mana mana ñana ñgua ñine kala sisowe lâ noko tini, a?” ⁶¹ Andeta Yesu nde kawa buu nâ, iporo ñgua tonje tia. Tia ku patarawâña tamâta ñalae ikasoña kilo tu, “Tiambo noko nde Kirisi, Maro Kindeni Sapâña Tamwata Natu noko, tiya?”

⁶² Ñinenña Yesu iporo tu, “Nañani warakâñgu kala i. Aku naña apaimi tu lâ zo muli, miki

ma kamora naŋa Tamâta Natu asaŋona Maro Kindeni Walo Tamwata mbau pa wia kâ, aku ma kamora naŋa ayoka samba ne take-take kulu andue amâ.”

⁶³ Iporo mine lâ, ninenŋa patarawâŋa tamâta ŋalae imandi isaraka tamwata ne pasawaŋa lâ tini ku iporo tu, “Kinda ma tasarawanzi tamâta pinde kilo ŋana sisowe ŋgua lâ tamâta ŋine tini, ande ma tia! ⁶⁴ Miki kalonjo ŋgua lâ. Kala ŋine nâ iporo ŋgua pavaliginja pa Maro Kindeni! Miki ilomi mana.” Aku kinzi rârâni sipa ŋgua tu, “Iveta soki ŋalae, kala ara ŋana ma sipu pâta imâte.”

⁶⁵ Ninenŋa kinzi tamâta pinde sisupwara i, anŋa pinde sikau i mata lâ lalava ku mbaunzi nâ sikatu, ku siporo tu, “Wa! Noko nde ŋgua-tulâŋa tamâta, a? Ayo, mine nde kuporo pwataki tâ; ea ipuno.” Siveta mine lee, ninenŋa kinzi sambara sipoponza i kaika, ku sikai silâ.

Petero ipatimoa Yesu

Matai 26:69-75, Luka 22:56-62, Yoane 18:16-18,25-27

⁶⁶ Anŋa Petero nde imo lâmbu lâ ŋgumbi ilo. Ninenŋa patarawâŋa tamâta ŋalae ne wurâta taine tonje iyoka imâ. ⁶⁷ Taine ŋinde mata ilâ imora Petero imwai yââ isaŋona, aku ilea kaika papa ku iporo tu, “Wa, noko kala muŋga kumo kuku Yesu Nasarete tamwata!” ⁶⁸ Taitu Petero ipatiâmo ku iporo mine tu, “Naŋa asama ŋgua kala noko kuporo ŋinde duvi tia. Naŋa azizâla

ņana.” Njineņa Petero iyâti ilâ imandi luma ne nzâla kawa. [Ande tatareko isuņa kawa.] *

⁶⁹ Njineņa wurâta taine njinde imora i imandi lâ nzâla kawa, ku iporo kilo panzi tamâta simandi laiti tu, “Tamâta njine nde tamâta tonje lâ kinzi nawalanzi.” ⁷⁰ Taitu Petero iporo ipatiâmo kilo tu, “Mine tia!” Aku simo tini nâ, njineņa kinzi tamâta simandi laiti njinde nde siporo pa Petero kilo tu, “Mao nâ, noko nde tamâta tonje lâ kinzi nawalanzi, ņana tu noko nde Galilaya tamwata.” ⁷¹ Njineņa Petero iporo ņgua kaika mine tu, “Ambo naņa alâņe, ande naņa ano pa Maro Kindeni tu ma iyaula naņa; naņa asama tamâta kala miki kaporo ņana njinde tia ku tia ndo!”

⁷² Njineņa walele nâ tatareko isuņa kawa [kilo]. Aku Petero ne ilo-kalo ipâņga ņana ņgua Yesu muņa iporo tu, “Tatareko ma isuņa kawa mbwani rua tia yo, ande noko tamwata ma kuporo kupatimoa naņa mbwani ņato tu noko kusama naņa tia.” Aku Petero ita pâta kanaņo.

15

Sikai Yesu silâ pa Pilata

Matai 27:1-2,11-15; Luka 23:1-7,13-18; Yoane 18:28-40, 19:1-16

¹ Simo lee, ku mbwale pwataki lâ, njineņa kinzi patarawâņa tamâta ņalanjala wa kinzi ņgu

* **14:68** 68,72 Nia ndoyo, ņgua njine kala ikeno ņgumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje ipâņga lâ muli nde isenje ņgua njine ilâ kuku ņgua ikeno muņa.

nenzi katonâŋa wa kinzi pananâŋa tamâta ŋana ŋgua tukunja kâ wa kinzi tamâta mbâna-mbâna rârâni nde sipasau lâ, kala ilonzi taitu ŋana ma sipa Yesu lâ wâlo kaika ku sikai silâ pa Rom nenzi koipu tonje, i ŋa mine Pilata. Aku siveta ikura nenzi ŋgua mine. ² Ninenja Pilata ikasonja Yesu tu, “Noko nde Juda nenzi koipu ŋalae, tiya?” Ande Yesu itu lâ kawa mine tu, “Noko tamwata kuporo ŋuani ndaina.”

³ Ninenja kinzi patarawâŋa tamâta ŋalanala sisowe ŋgua rârâ lâ Yesu tini. ⁴ Aku Pilata ipai Yesu kilo tu, “Opopo, tiambo noko ma kuporo ŋgua tonje taulo tia, a? Kulonjo ŋga; kinzi sisowe ŋgua rârâ lâ noko tini.” ⁵ Andeta Yesu iporo ŋgua tonje tia, kala Pilata ilo rârâ.

Pilata io Yesu tu ma sipu lâ kâi popole tini imâte

Matai 27:16-26, Luka 23:16-25, Yoane 18:38-19:15

⁶ Aku Rom nenzi mâsi tonje nde mine; ikura mbwera mbwera, lâ Juda nenzi kumbwa ŋinde, ande Pilata uru iyaute tamâta tonje munja imo luma sakamao ilo, ikura kinzi Juda tamâta warakanzi nenzi pateâŋa mine. ⁷ Aku lâ zoni ndaina, tamâta tonje imo luma sakamao ilo, i ŋa mine Barabas. Munja i nuwala kinzi simandi sipara kunzi Rom nenzi koipu, aku sipunzi tamâta pinde pâta simâte. ⁸ Mine kala kinzi Juda tamâta simâ pa Pilata ku sino papa tu ma iveta itogo munja uru iveta panzi mine.

⁹ Ande Pilata ikasonjanzi mine tu, “Tiambo miki ilomi tu nanja ma ayaute Yesu, ina Juda nenzi koipu ŋalae, imâ pami, tiya?” ¹⁰ Pilata

nde isama tu kinzi patarawâña tamâta ñalañala sipadâda nâ ñana Yesu, aku ñana duvi ñinde kâ kinzi sikai simâ pa Pilata. ¹¹ Andeta kinzi patarawâña tamâta ñalañala nde sisowe kinzi tamâta ilonzi kalonzi tu ma sisarâwa kaika pa Pilata tu iyaute Barabas imâ panzi.

¹² Mine kala Pilata ikasonanzi tu, “Mine nde naña ma aveta mana papa tamâta ñine miki kapatu i ña tu ‘Juda nenzi koipu ñalae’, a?” ¹³ Ande kinzi sisarâwa kaika tu, “Kupu lâ kâi popole tini imâte!” ¹⁴ Andeta Pilata ikasonanzi tu, “Ñana sâ kâ, a? Iveta vetâña soki ndia.” Andeta kinzi kawanzi ñalae sisarâwa kaika kilo tu, “Kupu lâ kâi popole tini imâte!”

¹⁵ Pilata itu iveta kie ara panzi tamâta, kala iyaute Barabas ilâ panzi. Ñineñga ikai Yesu ku io lâ kinzi zugu tamâta mbaunzi ilo. Aku kinzi sipalili i pâta lâ, ñineñga siluku ñana ma sipu lâ kâi popole tini.

Kinzi zugu tamâta siporo ñgua pavaligiña pa Yesu

Matai 27:27-31, Luka 23:26-32

¹⁶ Ñineñga kinzi zugu tamâta sikai Yesu silâ Rom nenzi luma ñana pasauña kâ ilo, aku sisarâwa panzi nawalanzi zugu tamâta rârâni tu simâ. ¹⁷ Aku siveta “a” papa Yesu ku sisawa pasawana ñiñi tonje lâ tini, ñineñga simwali wâka-wâka tonje ku sisawa lâ kulu tava. ¹⁸ Ñineñga mbaunzi kâki siveta ñgua kapa-kapa papa mine tu, “Oe, Juda nenzi koipu ñalae!” ¹⁹ Ñineñga sikai taumbwa tuka pinde,

ku sipu i kulu mbwaninzi rârâ ñinde wa sisupwara i tini wa. Aku sipare tukunzi papa ku sipanea i lanjeņa tona. ²⁰ Kinzi siporo ñgua pavaligiņa pa Yesu mine lee, ñineņa sikai pasawaņa ñiņi piti lâ tini, ku sisawa tamwata ne pasawaņa lâ tini kilo, aku sikai silâ tu ma sipu lâ kâi popole tini.

Kinzi sipu Yesu lâ kâi popole tini

Matai 27:33-56, Luka 23:33-49, Yoane 19:17-37

²¹ Kinzi soka nzâla silâ, ande sipakâtu kuku tamâta tonje, i ña mine Saimon, iyoka imâ ñana ilâ papa lawea ilo kâ. Aku kinzi zugu tamâta siveta kaika papa i tu ma ikale Yesu ne kâi popole kâ. Saimon nde papa Sairini tâno kâ, aku i nde Arisande ku Rufus rua tamanzi. ²² Kinzi sikai Yesu silâ lee sipâņa nia ndamwa tonje, sipatu ña tu Golgata. Ñoa ñine nde duvi mine tu, “Kulu Kâmba Nia”. ²³ Ñineņa sikai waini pinde sigema tona lââ makisa ñana isama nâna tia kâ, aku silua Yesu tu inu. Andeta inu tia.

²⁴ Ñineņa kinzi sipu Yesu lâ kâi popole tini, aku siwae i ne pasawaņa sikai nenzi nenzi. Kinzi sipagui mira itogo satu mine, ñana sisama tu ea ma ikai Yesu ne pasawaņa.

²⁵ Aku lâ mboyo, kari tai lima kanaņo ñapa, ande kinzi sipu Yesu lâ kâi popole tini. ²⁶ Aku lâ Yesu kulu âta, ande singere ñgua ñinde muņa sio i ilâ pa ñgua nia ñana. Singere ñgua mine tu, “Juda nenzi koipu ñalae”. ²⁷ Anņa lâ Yesu waņgira, ande sisonanzi nzanzare tamwatanzi rua tona. Tonje nde sipu lâ kâi popole tonje tini papa Yesu tini pa wia kâ, anņa tonje nde sipu lâ

kâi popole tonje tini papa i tini pa nâsi kâ. [²⁸ Mine nde kinzi ngua-tulâña tamâta muŋgâña nenzi ngua nde ipâŋga kanaŋo. Ngua ñinde nde mine, “Kinzi nenzi morâña tu i imo kinzi nzanzare tamwatanzi nawalanzi.”] *

²⁹ Aku kinzi tamâta pinde soka nia ñinde silâ wa simâ wa, sirurua kakalinzi ku siporo ngua pavaligiña papa mine tu, “Oe, noko tamâta ñana kusapira Maro Kindeni ne luma sapâña ku kuŋgunu kâki kilo lâ kari ñato nâ, a? ³⁰ Mine nde kupavila tamwata tâ! Ñine nâ kupile kâi popole aku kundue kumâ tâ!”

³¹ Aku kinzi patarawâña tamâta ñalanjala sitavanzi pananâña tamâta ñana ngua tukuña kâ ande kala siporo ngua pavaligiña mine nâ. Kinzi siporo imâ naonzi nâ tu, “Opopo, i muŋga ivilanzi tamâta pinde, andeta ikura ñana ipavila tamwata kâ, ande tia! ³² I nde Kirisi, Isrel nenzi koipu ñalae, a? Mine nde mambo ñine nâ i ma ipile kâi popole ku indue imâ, ande ma kalonda tawana i.” Aku kinzi tamâta rua muŋga sipunzi lâ kâi popole simo Yesu waŋgira, ande kinzi rua kala siporo ngua pavaligiña kaña taituni nâ pa Yesu.

Yesu imâte lâ

³³ Kari ikâki imâ ñgini lâ, ñinenğa kondoma ñalae itura tâno ndoni. Ikeno mine lee lala lâ, ikura kari tai ñato mine. ³⁴ Kari tai ñato lâ, ñinenğa Yesu isuña kawa ñalae kâki isarâwa

* **15:28** 28 Nia ndoyo, ngua ñine kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta tonje imo muli nde isenje ngua ñine ilâ kuku ngua ikeno muŋga.

mine tu, “Eli, Eli, lama sabatani!” Ngua ñine ne duvi nde mine, “Nenngu Maro, nenngu Maro, ñana sâ kê nga kupu muli pa naña!” ³⁵ Aku tamâta pinde simandi laiti ñinde nde siloño Yesu ne ngua ñine, andeta siloño soki-soki kala siporo tu, “Kaloño nga, isarâwa papa Ilia!”

³⁶ Aku nenzi tamâta tonje ipalilu ilâ ikai nzomo, ku ipatuku lâ waini makisa ilo. Njineŋga isenje lâ lumbi-lumbi tonje tini ku isuŋa kâki ilâ papa Yesu kawa tu indomo kê. Aku tamâta ñinde iporo tu, “Ara, mambo tamora nga. Tiambo Ilia ma imâ ikai i piti lâ kêi popole tini indue imâ, tâku tia tâku.” ³⁷ Andeta Yesu nde isarâwa kawa ñalae, ñineŋga imâte lâ.

³⁸ Aku ndainani nâ lalava matatola ñalae uru itâra Maro Kindeni ne luma sapâña ilo ñinde nde ipwa pwataki pa âta ku indue papa lâmbu mo rua lâ. ³⁹ Aku kinzi zugu tamâta nenzi koipu imandi kêi popole tini laiti ñinde nde imora Yesu imâte mine, kala iporo tu, “Mao kano, tamâta ñine nde Maro Kindeni Natu.”

⁴⁰ Aku kinzi taine pinde kala simandi malawae mwasa ku simora mâsi ñinde tona. Maria i Makdala lawea taine imo kunzi, tava i nuwaka Maria, ina Yamesi nuwaka ku Josis rua tinanzi, anga Salomi. ⁴¹ Kinzi taine ñato ñinde muŋga soka kuku Yesu sikai kuleña papa lâ Galilaya tâno. Aku kinzi taine pinde rârà kala simo kunzi tona, kinzi ñinde muŋga soka Yesu muli silâ Jerusalem lawea.

*Kinzi sio Yesu karae lâ kuru ilo
Matai 27:57-61, Luka 23:50-56, Yoane 19:38-42*

42-43 Kari indue lala lâ, ñineŋga Yosepe Ari-matea lawea warika nde imâ. I nde tamâta ñalae, aku kinzi tamâta mbâna-mbâna uru siporo tu i nde tamâta ara nâ. I kala uru io tini ñana Maro Kindeni ne zo ñana ma imâ ikai maro panzi tamâta lâ tâno kulu kâ. Aku ñinde nde zo ñana siveta kelekele sondo ñana pwareâña ne zo sapâña kâ lâ wurita. Mine kala Yosepe ilâ imandi Pilata nao. Iruru tia, ipukâe tu ino Pilata ñana ikai Yesu karae ku ilâ ikea. ⁴⁴ Andeta Pilata nde ilo rua-rua, aku iporo tu, “O, i ñine nga imâte lâ, tiya?” Aku isarâwa papa zugu tamâta nenzi koipu tu imâ, aku ikasona tu, “Yesu imâte lâ, tiya?” ⁴⁵ Pilata ilonjo ñgua lâ koipu kawa tu Yesu imâte lâ, ñineŋga isâu pa Yosepe tu ma ikai Yesu karae ilâ ikea. ⁴⁶ Ñineŋga Yosepe iko lalava pâne tonje ku ikai imâ, aku ikai Yesu karae piti lâ kâi popole tini. Ñineŋga ilita lâ lalava pâne, ku ikai ilâ io lâ kuru ilo. Kuru ñinde muŋga siveta lâ nia mira. Aku Yosepe itambumbua mira ñalae tonje ilâ ipono kuru ñinde kawa. ⁴⁷ Aku Maria i Makdala lawea taine tava i nuwaka Maria, i Josis tina, ande kinzi rua simo ndaina ku simora Yesu ne kuru nia tona.

16

Yesu imandi imo via kilo

Matai 28:1-15, Luka 24:1-49, Yoane 20:1-23

¹ Juda nenzi pwareâña ne zo sapâña nde nga marumbu lâ. Aku wurita kilo, ñineŋga kinzi taine ñato, Maria i Makdala taine, tava i nuwaka Maria, i Yamesi tina, aŋga Salomi, kinzi ñato siko samimi wa kelekele kuwae ara wa ñana silâ

sivala lâ Yesu karae. ² Lâ sânda, mbwale pwataki lâ, ande kinzi soka silâ pa kuru nia. ³ Soka nzâla silâ, ande sipakasona warakanzi tu, “Ea ma ivila kindi itambumbua mira piti kuru kawa.”

⁴ Kinzi soka lee sipânnga kuru nia, aku matanzi ilâ pa kuru kawa, andeta simora mira ikeno kawa tia, kala wisinzi motutu, nana tu mira ninde nde njalae tina. ⁵ Njine nina kinzi silâ kuru ilo, andeta simora tamâta limoa tonje isawa pasawana pâne indue itura lâ. Tamâta ninde isajona papa wia kâ. Aku kinzi taine siruru pata lâ. ⁶ Andeta ipainzi tu, “Miki karuru ndimo! Nana asama tu miki kamâ nana kamora Yesu Nasarete tamwata, ina munja kinzi sipu lâ kâi popole tini. I imandi sânda lâ, kala imo nai tia! Miki kamâ kamora nia kala munja sio i karae ndue ikeno. ⁷ Ayo, njine nâ miki kalâ ku kaporo panzi i ne pâri-tamâta, tava Petero, mine tu, ‘Yesu imunja pami ilâ Galilaya tâno lâ. Miki kalâ, ma kasânda i kulu lâ niani ndaina, ikura njua munja itula pami ninde.’”

⁸ Kinzi taine silonjo njua njine lâ, njine sipile kuru siyâti silâ pa nia yo, aku sipalilu sikâwa silâ. Kinzi siruru pata ku wisinzi kâki lâ, kala sitapâri pa tamâta tonje tia.

Maria i Makdala lawea taine imora Yesu

[⁹ Lâ sânda mbyoni Yesu imandi lâ mateja nianzi imo via kilo. Aku lâ zoni ndaina ipatua papa Maria, i Makdala lawea taine. Taine ninde nde munja Yesu isokinzi koroani saka lima kanajonzi rua piti lâ i ilo. ¹⁰ Njine Maria ilâ ku itapâri panzi tamâta munja simo kuku Yesu

ņinde. Kinzi nde ilonzi malia, kala simo sita nâ.
¹¹ Andeta Maria ipainzi tu, “Yesu imandi lâ, kala imo via kilo! Naņa amora i lâ!” Kinzi siloņo ņgua ņinde, andeta ņandai kalonzi tawana ņga.

Pâri-tamâta rua simora Yesu lâ nzâla

¹² ņinde ilâ lâ, ņinenņa kalo-tawana tamâta rua sipile Jerusalem ku soka nzâla silâ. Andeta Yesu ipalele ipânņa itogo tamâta kaa nâ, ku ilâ ipatua panzi rua. ¹³ Kinzi rua sisama i kilala pwataki lâ, ņinenņa sitaulo simâ siporo ņine pwataki panzi i ne tamâta rârâni siloņo. Andeta kinzi kalonzi tawana kinzi rua nenzi ņgua ņinde, ande tia.

Yesu ionzi ne pâri-tamâta tu ma silâ situla pâri ara

Matai 28:16-20, Luka 24:46-48, Yoane 17:18, 20:21

¹⁴ Aku muli ņga, zo tonņe, Yesu ne pâri-tamâta saņao kanaņo taitu sisaņona sika, ņinenņa Yesu imâ ipatua panzi. Andeta imbitanzi ņana nenzi kalo-tawana soki-soki kâ, ņana tu kinzi tamâta pinde muņņa sitapâri panzi tu kinzi simora Yesu imo via kilo, andeta tininzi pwâka tu kalonzi tawana ņgua ņinde. ¹⁵ Aku Yesu ipainzi tu, “Miki kalâ kakura nia ndoni lâ tâno kulu, aku katu pâri ara panzi tamâta rârâni. ¹⁶ Tamâta ea kinzi kalonzi tawana kala silili pâri ara ne lââ, ande Maro Kindeni ma ikai kinzi ņinde rârâni piti lâ kondoma ilo ku ma via mao ilanzi. Anņa tamâta ea kinzi kalonzi tawana tia, ande Maro Kindeni ne pareņa-nia ma ikeno panzi. ¹⁷ Kinzi ņinde kalonzi tawana, ande Maro Kindeni ne walo ma ikeno panzi ņana siveta mâsi kaika

pinde kâ. Kinzi ma sipatu naŋa n̄n̄gu ku ma sisokinzi koroani saka piti lâ tamâta ilonzi, ku ma siporo ngua kaŋa wasaseki kie-kie. ¹⁸ Kinzi ma sikai mwâta saka lâ mbaunzi ilo, aku ma sinu lââ sakamao n̄ana iyaulanzi tamâta kâ, andeta kelekele n̄inde ma iyaulanzi tia. Aku kinzi ma sio mbalaunzi lâ pukon̄a tamâta tininzi, aku kinzi pukon̄a tamâta n̄inde ma tininzi ara kilo.”

Yesu ikâki samba ilo

Luka 24:49-53, Pâri Tamâta 1:6-11

¹⁹ Maro Yesu iporo ngua n̄ine pwataki panzi lâ, n̄ineng̃a Maro Kindeni ikai i kâki samba ilo. Aku isaŋona Maro Kindeni tini laiti pa mbau wia kâ.

²⁰ N̄ineng̃a Yesu ne pâri-tamâta soka silâ sikura nia nia, situ pâri ara panzi tamâta. Aku Maro Njalae imo kunzi, ku isukanzi n̄ana siveta mâsi kaika pinde tona. Mine kala i kawa ngua kilala ip̄n̄ga nia yo tu ngua mao kanaan̄o.] *

* **16:20** 9-20 Nia ndoyo, ngua n̄ine kala ikeno ngumbi ilo [], ande ikeno lâ pepa tini tia. Mine kala kinzi ilo-kalo tamâta situ tamâta ton̄ge ip̄n̄ga lâ muli nde isen̄ge ngua n̄ine ilâ kuku ngua ikeno mun̄ga.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de